



類函九



十七歲時
十八歲時

4加³
427
9



門 4 3
號
卷



新金圖書

此係明治八年八月廿八日
早田中諸君以贖資所購

早田中圖書印

淵鑑類函卷十七

歲時部六

元正晦日

人日

正月十五

元正一

原尚書曰月正元日舜格于文祖

增又曰正月朔旦

受命于神宗率百官若帝之初

原漢天文志曰魏占

候正月旦浚八風風從南來大旱西南小旱西方有兵

西北豆成北方中歲東北為上歲東方大水東南疾疫

歲惡 **增**漢書曰正月朔歲首立春四時之始 **晉書**

曰顓帝以孟春正月為元其時正朔旦立春五星會于

天歷營室也冰凍始泮蟄蟲始發雞始三號天曰作時

歲時部

淵鑑類函卷十七

元正

地曰作昌人曰作樂鳥獸萬物莫不應和故顓帝為聖人歷宗也

原玉燭寶典曰正月為端月春秋傳曰其履端於始

一日為元日元者善之長也先王體元以居亦云上日

亦云正朝亦云三元元者善之長也先王體元以居亦云三朝尚書大傳

明為朔殷以雞鳴為庭前爆竹荆楚歲時記曰以辟山

經在西方深山長尺餘犯人則病臘惡鬼也山臘按神異

畏爆竹聲又俗爆竹發草起於庭燎進椒柏酒四民月

又云進酒次第當從小起以年少者先起服桃湯進

敷于散荆楚歲時記曰桃者五行之精厭伏邪造五辛

盤周處風土記曰月正元日五熏鍊形注云五辛所造

桃版著戶謂之仙木玉燭寶典曰像鬱壘

元正二

增拾遺記曰堯在位七十年有鸞雛歲歲來集麒麟遊於藪澤臯鳴逃於絕漠有祗支之國獻重明之鳥一名

重精雙睛在目狀如雞鳴似鳳時解羽毛肉翻而飛能搏逐猛獸虎狼使妖災羣惡不能為害飴以瓊膏或一

歲數來或數歲不至國人莫不灑掃門戶以望重明之集其未至之時國人或刻木或鑄金為此鳥之狀置於

門戶之間則魍魎醜類自然退伏今人每歲元日或刻木鑄金或圖畫為雞於牖上蓋重精之遺像也

原列子曰鄆之民以正月之旦獻鳩於簡子簡子大悅厚

賞之客問其故簡子曰正旦放生示有恩也 孔叢子
曰邨鄆民以正月旦獻爵於趙王而綴以五采王大悅
申叔以告子順子順曰正朝放之示有生也 漢雜事
曰正旦朝賀三公奉璧上殿嚮御座北面太常使贊曰
皇帝為君與三公伏皇帝坐乃前進璧 禮志云元會
文昌殿用漢儀設百花燈 漢書曰鮑宣字子都哀帝
時正旦日蝕宣上書諫曰陛下父事天母事地子養黎
民父虧明母震動子訛言今日蝕三陽始小民正月朔
旦尚惡敗器物況日虧缺乎 增漢書曰正旦天子行
陽德殿作九賓樂舍利從東來戲於庭入殿前激水化

成比目魚跳躍漱水作霧化成黃龍高八十丈出水戲
於庭以兩大絲纏繫兩頭中間相去數丈兩倡女對舞
行於繩上道逢兩肩不傾又跣躡屈身藏形於斗中鐘
磬並唱樂畢作魚龍曼衍鼓吹三匝 後漢書曰永寧
元年西南夷揮國王獻樂及幻人能吐火自支解易牛
馬頭明年元會作之於庭安帝與羣臣共觀大奇之陳
禪獨離席舉手大言曰昔齊魯為夾谷之會齊作侏儒
之樂仲尼誅之帝王之庭不宜設夷狄之技 又曰陳
翔為侍御史正旦朝賀大將軍梁冀威儀不整翔奏冀
恃貴不敬請收案罪時人奇之 原典略曰明帝使博

士馬均作司南車水轉百戲正月朝造巨獸魚龍曼衍
弄馬倒騎備如漢西京故事 又曰正始元年商風大
起數十日發屋折樹動太極殿東閣正旦太會又甚傾
牀案曹爽將誅之徵也 臧榮緒晉書曰元會設白獸
尊於殿上尊蓋上施白獸若有能獻直言者則發此尊
飲酒按禮曰白獸尊乃杜舉之遺式爲獸監後代所爲
示不忌憚也 晉咸康起居注曰十二月庚子詔曰正
會日百寮增祿賜醪酒人二升 世說曰元帝正會引
丞相王導登御牀王公固辭中宗引之彌苦王公曰使
太陽與萬物同暉臣下何以仰瞻帝乃止 裴元新語

曰正朝縣官殺羊懸其頭於門又磔雞以醜之俗說以
厭厲氣元以問河南伏君伏君曰是土氣上升草木萌
動羊鬻百草雞啄五穀故殺之以助生氣 王渾集曰
詔問明正旦會四方計吏入見臨朝當何所宜渾奏舊
正會計吏軒下中書令宣詔問方土所宜士人賢才隱
伏未達風俗好尚禮教之宜勤農務本以盡墾殖之利
刑獄清理無枉濫之失郡守長吏勤心治政爲民興利
除害訓化之績授以紙筆意陳聞見以明聖旨垂心四
遠 **增**宋書曰歲朔常設葦莢桃梗磔雞於宮及百司
之門以禳惡氣 南齊書曰建武慕儉欲鑄壞元日上

壽銀酒鎗尚書令王宴等咸稱盛德蕭穎胄曰朝廷盛禮莫過三元此一器既是舊物不足為侈帝不悅後預曲宴銀器滿席穎胄曰陛下前欲壞酒鎗恐宜移在此器也帝甚有慙色穎胄字雲長 海錄碎事曰梁武帝正旦賜羣臣却鬼丸 北齊書曰張華原為兗州刺史獄有繫囚謂之曰三元之始念卿幽閉今給假五日足得展謁親親期盡當還也因果應期而至 唐書曰聖唐稽古天下朝集三考一見皆以元日陳貢篚集於考堂唱其考第進賢以興善簡不才以黜惡 大唐六典曰元正一日供奉官陳設於太極殿皇帝冠冕臨軒展

宮懸之樂陳歷代寶玉輿輅備黃麾仗二王侯百官朝集親王諸王朝服陪位皇太子獻壽次上公次中書令奏諸州表黃門侍郎奏祥瑞戶部尚書奏諸州貢獻禮部尚書奏諸蕃貢獻太史令奏雲物侍中奏禮畢然後中書令又與供奉官獻壽殿上皆呼萬歲 舊唐書曰長壽二年元日大雪上謂羣臣元日雪百數豐此語有何故實姚璈曰汜勝之書雪是五穀精又宋武帝大明五年瑞雪上曰朕心存百姓如得年豐歲稔可為大瑞雖獲麟鳳何用哉 新唐書曰貞觀元年太宗既籍田又元日朝羣臣岑文本奏籍田三元頌二篇文致華贍

飲墨 神仙傳曰禁巴蜀人為尚書正旦大會得酒不飲
酒為雨救之後蜀郡奏元日成都大火其日東北有大
雨至救火雨中酒氣北齊正旦會侍中黃門郎宣詔
勞諸郡上計勞訖命遣紙陳事宜字有脫誤者呼起席
書迹監劣者令飲墨水一升文理孟浪者奪容刀及席
放鳩 化鳩 鳩集井上故漢世正旦放鳩公避項羽雙
南康記曰昔有盧耽仕州為治中少學仙術善解飛騰
每夕輒凌空歸家曉則還州嘗元會至晚不及朝列化
為白鳩至閣前徘徊欲下威儀以帚擲之得一隻履耽
驚還就列內外左右莫不駭異時步騰為廣州刺史意
甚惡之便以狀 爆竹 鑽榆 本三統 崇百禮 虎
聞遂至誅滅 何謂也陽氣始施黃泉萬物始動微而未著也 周處
通曰正朔有三何本天有三統謂三微之月也三微者
風土記曰月正 盛庭燎 列儀狀 何元朔許都賦云
元日百禮兼崇 狀列儀 吞雞子 噉辛菜 風土記云元日吞雞子人噉五
枚

謂之鍊形五辛菜以 供雕胡 進屠蘇 揚州雕胡米
助發五藏之氣也 進御 俗說屠蘇草菴之名昔有人居草菴之中每歲
除夜遺問里藥一劑令井中浸之至元日取水置於酒
尊合家飲之不病瘟疫今人有得方 增造華勝 賜
者亦不知其人姓名但名屠蘇而已 造華勝 以相遺像瑞圖
銀幡 董勛答問禮曰正月一日造華勝 朝回兩袖天香
滿頭上銀 百官執珪 三公奉 辟 朝天子百官執
珪 元正 華原放囚 江淹賞士 興謝舉初為太學
博士與兄俱賢預元會江淹一見並 木屑襯地 酹
皆欽挹曰此可謂御二龍於長途耳 戲造魚龍 術呼
食湔裳 晉陶侃字士行為荊州牧勤造船官收餘木屑
朝賀無妨 玉燭寶典云元日至 戲造魚龍 術呼
晦日並為補食士女湔裳度厄 內撫諸夏 外
牛馬 向長正至門前呼牛馬六畜 元正 七

接百蠻文選以天子當元會也 位正元陽 氣和端月 八節

之端 三元之始 盤號五卒 觴稱萬壽 蜀郡火

災 西京水戲 獻椒花之頌 稱柏葉之觴 考夏

后之遺訓 采秦漢之舊儀並見傅元朝會賦 貼畫雞於朱

戶 獻彩雀於彤庭 開甲子於新曆 發風光於上

春 七十二候之初 三百六旬之始 稱萬壽於彤

庭 資百福於皇室謂元會也 受四海之圖籍 膺萬國

之貢珍 朱戶駢羅於仙木 綠醞激灑於壽杯 **增**

鳴鐘 列炬晉禮儀志曰漢有正會禮正旦夜漏未盡

石以上升殿稱萬壽然後作樂宴 下詳冬至三宰相火城注 一說經 讀令東觀漢記

云戴憑字次仲習京氏易為侍中正旦朝賀百僚畢會
光武命羣臣能說經史者更相詰難義有不通者輒奪
其席以益通者憑遂重五十餘席京師語曰解經不
窮戴侍中 隋禮儀志梁元會侍中讀五條詔令

膠牙錫 婪尾酒 歲時記元日食膠牙錫取膠固之義

酒一椀膠牙錫按藍尾當讀婪尾或謂此出侯白酒令

巡匝至末坐者連飲三杯蓋末坐遠酒到遲故連飲取

貪婪之義故曰婪 攄如願 畫鍾馗 歲時記廬陵歐

彭澤湖每以舟中所有投湖中後復過湖忽有一人來

猴明云是青湖君使也青湖君感君有禮故邀君必有

重遺君者青湖君取獨求如願耳明既見青湖君乃求如

願如願者青湖君之婢也明將如願歸所願即得數年

大富後因正旦如願晚起明醉攄之走入糞壤中不見

今人正旦以繩繫偶人投糞壤中云令如願以此 遜

齋間覽今人歲首畫鍾馗 辟邪俗傳起於唐明皇時

歲時部

開盤類考卷十七

元正

元正四

原孟春元日

張衡東京賦云孟春元日羣后旁戾百僚師師于斯胥會蕃國奉聘要荒來贄初

歲元祚

見曹植元會詩

元正啓節

見傅亮妻元正詩

元辰鳴鑾

庾闡揚都

賦云歲惟元辰陰陽代紀履端歸除三朝告始萬國鳴鑾有客戾止

受賀二千石

元正大饗

見元正三盛庭燎注

歲首大朝

續漢書云正朝

已上稱萬歲

歡笑盡娛

見曹植元會詩

殺羊磔雞以厭厲氣

小大同悅

見傅亮妻元正

詩歡笑盡娛

見曹植元會詩

殺羊磔雞以厭厲氣

小大同悅

見傅亮妻元正

歲主命延長

夢見新

元正五

原詩

魏曹植元會詩曰初歲元祚吉日維良乃為嘉會

宴此高堂衣裳鮮潔黼黻元黃珍膳雜還充溢圓方俯

視文軒仰瞻華梁願保茲善千載為常歡笑盡娛樂哉

未央皇室榮貴壽考無疆 晉荀勗正大會行禮歌詩

曰於皇元首羣生資始履端大亨敬御福祉肆觀羣臣

爰及卿士欽順時財允也天子 晉曹毗正朝詩曰靈

春散初澤芬煜青陽舒佳袍忽已故今載奄復初軟節

暢宇宙和風被八區 晉劉和妻王氏正朝詩曰稔冉

冥機運迅矣四節經太族應元律青陽兆初正 晉傅

亮妻辛氏元正詩曰元正啓節嘉慶肇自茲咸奏萬

年觴小大同悅熙 隋煬帝獻歲讌宮臣詩曰三元建

上宮六修宴麗城朱庭容衛肅青天春氣明朝光動劔

彩長階分佩聲酒闌鐘磬息欣觀禮樂成 隋蕭愨奉

歲時部

元正

元正

元正

和元日詩曰帝宮通夕燎天門拂曙開瑞雲生寶鼎榮
光上露臺華山不凋葉宜城萬壽杯遙見飛鳧下懸知
葉縣來 陳叔達初年詩曰和風起天路嚴氣銷冰井
索索枝未柔厭厭漏猶永 虞世南奉和獻歲讌宮臣
詩曰履端初啓節長施命高筵肆夏喧金奏重潤響冰
絃絲光催柳色日彩沉槐煙微臣同濫吹謬得仰鈞天
唐太宗元日詩曰高軒愛春色邃閣媚朝光彤庭
飛彩旆翠幌曜明璫恭已臨四極垂衣馭八荒霜戟列
丹陛絲竹韻長廊穆矣熏風茂康哉帝道昌繼文遵後
軌循古鑒前王草秀故春色梅豔昔年妝巨川思欲濟

終以寄舟航 又正日臨朝詩曰條風開獻節灰律動
初陽百蠻奉遐賚萬國朝未央雖無舜禹迹幸欣天地
康車軌同八表書文混四方赫奕儼冠蓋紛綸盛服章
羽旄飛馳道鐘鼓震巖廊組練輝霞色霜戟曜朝光晨
宵懷至理終媿撫遐荒 許敬宗奉和元日應制詩曰
天正開初節日觀上重輪百靈滋景祚萬玉慶維新待
旦敷元造韜旒御紫宸武帳臨光宅文衛象鈎陳廣庭
揚九奏六帛麗三辰發生同化育播物體陶鈞霜空澄
曉氣霞景瑩芳春德暉覃率土相賀奉還淳 魏徵奉
和正日臨朝詩曰百靈侍軒后萬國會塗山豈如今濬

哲邁古獨光前聲教溢四海朝宗引百川鏘洋鳴玉珮
灼爍耀金蟬淑景輝雕輦高旌揚翠煙庭實超王會廣
樂盛鈞天旣欣東日戶復詠南風篇願奉光華慶從斯
萬億年 岑文本奉和正日臨朝詩曰時雍表昌運日
正叶靈符德兼三代禮功包四海圖踰沙紛在列執玉
儼相趨清蹕喧輦道張樂駭天衢拂蜺九旆映儀鳳八
音殊佳氣浮仙掌熏風繞帝梧天文光七政皇恩被九
區方陪瘞玉禮珥筆岱山隅 李百藥奉和正日臨朝
詩曰化曆昭唐典承天順夏正百靈警軒禁三辰揚旆
旌充庭富禮樂高讌齒簪纓獻壽符萬歲移風韻九成

顏師古奉和正日臨朝詩曰七政璿衡始三元寶曆
新負宸延百辟垂旒御九賓肅肅皆鴛鷺濟濟盛纓紳
天涯致重譯西域獻奇珍 楊師道奉和正日臨朝詩
曰皇猷被寰宇端宸屬元辰九重麗天邑千門臨上春
武平一奉和正月朔賜羣臣柏葉詩曰綠葉迎春綠
寒枝歷歲寒願持柏葉壽長奉萬年歡 趙彥昭元日
恩賜柏樹應制詩曰器乏雕梁器材非構厦材但將千
歲葉常奉萬年杯 元薩都刺都門元日詩曰元日都
門瑞氣新層層冠蓋羽林軍雲邊鵠立千官曉天上龍
飛萬國春宮殿日高騰紫靄簫韶風細入青雲太平天

子思如海亦遣椒觴到小臣
明程敏政元日早朝詩
曰宮鴉集曙彩鞭揮劔珮森森拱太微
日晃御牀明繡袞雲回鑿輅見青旂
鴻臚立仗傳三唱馬監隨班控六飛
喜值芳年叨侍從起居長許近皇闈

原賦晉傅元朝會賦曰考夏后之遺訓綜殷周之典制
采秦漢之舊儀肇元正之嘉會於是先期戒事衆法允
救萬國咸享各以其職翼翼京邑巍巍紫極前三朝之
夜中庭燎晃以舒光華燈若乎火樹熾百枝之煌煌俯
而察之如元燭龍而炤元方仰而觀焉若披丹霞而鑒
九陽 晉王沈正會賦曰伊月正之元吉兮應三統之

中靈順天地以交泰協太族之元精荷介祉於上帝兮
祚聖皇以永貞華幄映於飛雲兮朱幕張於前庭曜五
旗於東序兮表雄虹而爲旌備六代之象舞兮釐簫韶
於九成晞元夜以司晨兮望庭燎之高煬壯甲士之星
羅兮偉干戚之飄揚臚人肅其齊列九賓穆以成行齊
八荒於蕃服兮咸稽首以來王 **唐王起元日觀上**
公獻壽賦曰歲移木德春變銅渾觀上公之獻壽表南
面之居尊贊以至誠俾天長而地久陳乎盛禮亦星列
而雷奔所以上增景物所以下荅湛恩豈徒闕夫濟濟
而炫彼元元時也百辟無譁九賓有秩玉帛林會簪裾

櫛比聲明叶於載陽天文宜於初吉於是紫殿書皇輿
出仰之如天就之如日獻大君之壽善頌善禱覲元老
之儀匪徐匪疾皤皤元老首出朝端仰紫宸而展敬回
黃閣而即安振冠劔之翼翼曳環珮之珊珊旣進退而
有度亦容止而可觀將奉一人之慶而爲萬國之歡遠
映珠旒旁臨霜仗赫赫在下明明在上奉觴而進持盈
有俯傳之容祝壽而旋慶賜被鴻恩之暢應千年而莫
厚宅百揆而誰讓祥光郁靄佳氣蔥蘢時剡剡以趨履
每兢兢而鞠躬拱北辰之尊不異乎台居列宿獻南山
之壽更聞其嶽視三公旣而天顏廻眷堯酒畢獻乾坤

永固上下無怨禮循牆而已退福如次而咸勸則山呼
萬歲徒稱漢日之祥天錫九齡詎比周年之願諒羲軒
之道洽實伊容之德建宜乎景祿克受賡歌不朽如岡
如陵可大可久亦何待華封之祝然后增堯之壽 又
撰人曰惟皇御曆也播一德之景光統三正之今日端
大裘於正位酌中靈於休吉元老伏稱於丹墀大夫建
祚於聖術致君壽日比華封而祝堯獻酒福廷與鈞天
而合律於時銅龍啓曙文物斯崇六英鏗鏗而迭奏萬
國鏘鏘而會同上方端玉珽儼宸衷布發生之明命暢
大化於元功欲以宣景福於遐邇同介祉於君公壽獻

南山率土願歌於周雅位登北極惟仁亦播乎熏風既而舞蹈於丹禁之前再拜奉陶唐之酒趨雲陛以陳詞向爐煙而稽首升降濟濟將宣納祐之晨俯仰悃悃大啓如天之壽進退有則威儀可觀頌百靈於更始贊萬祀於履端傳喜氣而六平以正布春令而五教在寬故知我道化無疆德風吹萬皇猷大啓青陽始建千秋御曆既同傅氏之詞五采綴觴有異邯鄲之獻慶流華夏德配乾坤傳呼而珍符畢集應時而嘉瑞實繁所以麟鳳來祥於聖澤日月揭光於化元士有觀國之光賡歌大貺當元正之令節仰禮容於仙仗佩聲的鑠大矣三

公之儀瑞氣網緼邈乎九天之上

原歌晉荀勗正會王公上壽酒歌曰踐元辰延顯融獻羽觴祈令終我皇壽而隆我皇茂而嵩本枝奮百世休祚鍾聖躬

原頌晉劉臻妻元日獻椒花頌曰璇穹周迴三朔肇建青陽散輝澄景載渙美哉靈花爰采爰獻聖容映之永壽於萬

人日一

原荆楚歲時記曰正月七日爲人日以七種菜爲羹剪絲爲人或鏤金箔爲人帖屏風上亦戴之頭鬢像人入

歲時部

荆楚歲時記卷十七

人日

十四

新年形容改新 董勛問禮俗曰一日為雞二日為狗
三日為豬四日為羊五日為牛六日為馬七日為人八
日為穀 賈充典戒曰人日造花勝相遺像瑞圖金勝
之形又像西王母戴勝也 **增**唐李嶠人日詩曰七日
最靈辰

又日二

增圖經曰夔州人重諸葛武侯以人日傾城出八陣磧
上謂之蹋磧婦人拾小石之可穿者以綵索係於釵頭
以為一歲之祥府帥宴於磧上 **原**劉臻妻陳氏進見
儀曰正月七日上人勝於人 金陵志曰宋武帝女壽

陽公主人日臥含章殿檐下梅花落額上成五出花拂
之不去後人效之號梅花妝 **增**北史曰魏孝靜帝以
人日登雲龍門崔瞻與其父悛俱侍宴為詩詔問邢邵
等曰今瞻此詩何如其父咸曰悛博雅張麗瞻氣調清
新並詩人之冠冕宴罷咸共嗟賞之云今日之宴并為
崔瞻父子 隋唐嘉話曰魏鄭公嘗出行以正月七日
謁見太宗勞之曰卿今日至可謂人日矣 石渠記曰
渠有樂山正月七日邑人鼓吹酒食以祈蠶事

又日三

原剪綵

鏤金

並詳人日

登西山

陟安仁

李允正月七日登剡

西寺詩曰命駕升西山寓目
眺原瞻下詳安仁峰銘
漢帝之會承華殿 宋

王之登望仙樓 西王母頭戴花勝以正月七日會帝於
壽陽記云正月七日宋王登

望仙樓會羣臣父老集於城下令
皆飲一爵文武千人拜賀上壽
趙伯符為豫州刺史立

薛道衡二年之歎 壽陽記曰趙伯符為豫州刺史立
樓上作樂樓下男女咸飾遊觀
稽董勛之問俗時則

行樂 見薛道衡人日詩
稽董勛之問俗時則

罔愆 考陳氏之見儀事乃不忒
菜羹應節 油

卜驗歲 歲時記人日采七種菜作羹
羹叔倫詩獨獻菜
羹勝喜逢人又東坡詩小雨暗

人日春愁連上元水生挑菜渚煙濕落梅邨 四川嘉
定州有金登山山趾有淵每歲人日太守於此修油卜

故事謂以油灑水面
觀其紋驗一歲豐歉

人日四

銘山 魏東平王倉是日登
壽陽縣安仁山作銘
作餅 述征記云人日作煎

拔狗耳 荆楚歲時記云人日夜多鬼鳥過人
家槌牀打戶拔狗耳滅燈以禳之
剪人形

日三 煎餅於庭 詳作
餅注貼人於帳
藝苑唯黃云古人

象而正旦乃畫雞於門所以謹始也
七日貼人於帳
以重人也

人日五

原詩 隋陽休之人日登高侍宴詩曰廣殿麗年輝上林

起春色風生拂雕輦雲迴浮綺翼
薛道衡人日思歸

詩曰入春纔七日離家已二年人歸落雁後思發在花

前 唐高適人日寄杜二詩曰人日題詩寄草堂遙

歲時 開盤頌卷十七 人日 十六

憐故人思故鄉柳條弄色不忍見梅花滿枝堪斷腸人在遠藩無所預心懷百憂復千慮今年人日空相憶明年此日知何處一臥東山二十春豈知書劍老風塵龍鍾還忝二千石媿爾東西南北人元趙孟頫人日立春詩曰今年人日與春并人得春來喜氣迎宮柳風微金縷重御溝冰泮玉鱗生陰消已覺餘寒散陽長爭看曉日明霜鬢絲幡渾不稱強題新句慰羈情明徐賁丁未年人日詩曰人日轉寒深春城澹澹陰殘梅仍故色啼鳥換新音曆喜逢時看詩多感物吟愁來渾是醉誰道酒能禁柳應芳人日對雪詩曰人日逢晴勝不

晴雪亦嘉當由催翦綵碎却幾梅花

原銘李充登安仁峰銘曰正月七日厥日惟人策我良駟陟彼安仁

正月十五日一

原玉燭寶典曰正月十五日作膏粥以祠門戶百史記曰漢家以望日祀太一從昏時到明今人正月望日夜遊觀燈是其遺迹荆楚歲時記曰今州里風俗望日祭門先以楊枝插門隨楊枝所指仍以酒醮飲食及豆粥插箸而祭之其夕迎紫姑神以卜劉敬叔異苑曰紫姑本人家妾為大婦所逐正月十五日感激而死故世人作其形於廁以迎之卜云子胥不在曹夫已行小姑可出子胥婿也曹

歲時記

正月十五日

正月十五日

也夫如

正月十五日二

增世說曰彌衡被魏武謫為鼓吏正月半試鼓衡揚袍為漁陽摻搗淵淵有金石聲四坐為之改容孔融曰彌衡罪同胥靡不能發明王之夢石虎鄴中記曰正月十五日有登高之會北史曰隋柳彧見都邑百姓正月十五日作角觝戲上奏曰京邑爰及外州每以正月望夜充階塞陌鳴鼓聒天燎炬照地人帶獸面男為女服竭資破產競此一時請並禁斷上可其奏隋書曰文帝常於正月十五日與近臣登高時元胄不在上即

令馳召之胄見上謂曰公與外人登高未若就朕也賜宴極歡青瑣集曰陳徐德言之妻後主叔寶之妹樂昌公主也才色冠絕時陳政方亂德言知不相保乃破一照人執其半約曰鬻此必以正月望日及陳亡其妻入楊越公家德言流落至京遂以正月望日訪於都市果有蒼頭鬻半照者德言引至其居出半照合之具言其故越公知之愴然改容召德言還其妻雍洛靈異小錄曰唐朝正月十五夜許三夜夜行其寺觀街巷燈明若晝山棚高百餘尺神龍以後復加嚴飾士女無不夜遊車馬塞路有足不躡地浮行數十步者韋述西

都雜記曰西都城街衢有金吾曉暝傳呼以禁夜行
惟正月十五日夜敕許金吾弛禁前後各一日連昌
宮辭注云明皇幸上陽宮夜新翻一曲明夕正月十五
日潛遊忽聞酒樓上有笛奏前夕所翻曲大駭之密捕
笛者詰之自云其夕於天津橋上翫月聞宮中奏曲愛
其聲遂以爪畫譜記之即長安少年李暮也明皇雜
錄曰上在東都遇正月望夜移仗上陽宮大陳燈影設
庭燎自禁中至於殿庭皆設蠟炬連屬不絕時有方都
匠毛順巧思結創繒綵爲燈樓二十間高一百五十尺
懸珠玉金銀微風一至鏘然成韻其燈爲龍鳳虎豹之

狀幽怪錄曰開元十八年正月望日帝謂葉天師曰
今夕何處最麗對曰廣陵帝曰何術以觀之師曰可俄
而虹橋起殿前版閣架虛闌楯若畫帝步而上太真高
力士及樂官數人從行步步漸高頃到廣陵寺觀陳設
之盛燈火之光照灼基殿士女鮮麗皆仰面曰仙人現
於五色雲中帝大悅敕伶官奏霓裳羽衣一曲後數日
廣陵果奏云唐書曰景龍四年上元夜中宗與韋后
微服過市徜徉縱觀因幸中書令蕭至忠之第是夜放
宮女數千人看燈因此多有亡逸者丁卯夜又微行看
燈幸韋安石長寧公主第又曰唐明皇先天二年正

月十五十六十七夜於京安福門外作燈輪高二十丈
衣以錦綺飾以金銀燄五萬盞燈豎之如花樹宮女千
數衣羅綺曳錦繡耀珠翠施香粉妙簡長安萬年少女
婦千餘人衣服花釵婢子亦稱是於燈輪下蹋歌三日
歡樂之極未始有之 筆談曰狄青宣撫廣西時儂智
高守崐崙關青至賓州值上元大張燈燭首夜享將佐
次夜宴從軍官一鼓青稱疾輒起令孫元規暫主席數
使人勞座客至曉各未敢退忽有馳報是夜三鼓青已
奪崐崙矣 鼂氏客話曰蔡君謨守福州上元日命民
間一家點燈七盞陳烈作大燈長丈餘大書云富家一

盞燈太倉一粒粟貧家一盞燈父子相對哭風流太守
知不知猶恨笙歌無妙曲君謨見之還輿罷燈 皇明
通紀曰永樂十年正月元宵賜百官宴聽臣民赴午門
外觀鼇山三日自是歲以為常上或御午門示御製使
儒臣奉和時尚書夏原吉侍其母往觀鼇山上聞之曰
賢母也命中官齎鈔二百錠即其家賜之 **原**西域記
曰摩竭陀國正月十五日僧俗雲集觀佛舍利放光雨
花

正月十五日三

原 汎粥

祠膏

續齊諧記曰吳縣張成夜見一婦人立
宅東南角謂成曰此地是君蠶室我即

歲時部

尚書類考卷十七

正月十五

二十

地神明曰正月半君宜作白粥汎膏於上以祭我必當
令君蠶百倍言絕失所在成如其言為作膏粥年年大
得蠶也 下 設祭 試鼓 梁武帝時摩騰竺法蘭以
詳十五日 一 設祭 試鼓 梁武帝時摩騰竺法蘭以
日設大祭其夜以香火焚釋道二教道經燬燼佛
教宛然帝遂建白馬寺 下詳十五日 二 禰衡事 南

油 西漆 見梁簡文 月惟中氣 日則上元 正月十五
看燈賦 俱詳十日 燈火千門 蠶

元 祭戶遺風 觀燈故事 俱詳十日 燈火千門 蠶
桑百倍 帝女巢成而得仙 僧徒雲集而觀雨 廣陽

南方赤帝女學道化鵲愕山桑樹上以正月一日
銜柴作巢至十五日成後昇天 下詳十五日 二
傳柑 撒荔 歲時記上元夜貴戚例以黃柑相遺謂之
月紛紛歸來一黑殘燈在猶有傳柑遺細君 影燈記
正月十五夜唐明皇於長春殿張臨光宴白鷺轉花黃
龍吐水金鳧銀燕浮光洞攢星閣皆燈名奏月光分曲
又撒閩江紅荔枝千萬顆令宮人爭拾多者賞以紅圈

傳柑 撒荔 歲時記上元夜貴戚例以黃柑相遺謂之
月紛紛歸來一黑殘燈在猶有傳柑遺細君 影燈記
正月十五夜唐明皇於長春殿張臨光宴白鷺轉花黃
龍吐水金鳧銀燕浮光洞攢星閣皆燈名奏月光分曲
又撒閩江紅荔枝千萬顆令宮人爭拾多者賞以紅圈

幘綠 插柳 雨花 上詳十五日 一歲時記 麩鹽
暈衫 天寶遺事都下上元日造麩鹽餡中置紙簽或削
火蛾 木書官品人自採取以卜異日官品高下又宋楊
廷秀以上元夜里俗用粉米為蠶絲書吉語置其中以
占一歲之禍福謂之蠶卜戲作長句 開元遺事正月
十五日造 攀憶 竊杯 程史宋神宗元夕張燈王韶
火蛾兒 以觀為姦人乘間負去家嘗之亟納帽於懷遇
家人車數乘將入東華門宋攀憶大呼姦人駭逸遂載
以入帝詢知詔子令開封捕賊送家還賜以壓驚金錢
犀果直鉅萬 宋宣和中上元張燈有夫婦同游而相
失者婦至端門飲賜酒竊懷金杯衛士察送御前婦口
占鷓鴣天詞有竊取金杯作證明語上喜以杯賜之命
黃門 引歸

正月十五日四

九華燈 西南雜記元夜燄華 兩夜燈 侯鯖集錢氏納
燭於南山照見百里

歲時部 附錄 卷十七 正月十五

歲時部 附錄 卷十七 正月十五

夜燈十七
十八是也
司空召宴
宋至道元年燈夕太宗御樓時李文正公昉以司空致仕於家
上以安輿召至賜坐敷對明爽精力康勁上親酌御尊
飲之選徽棪之精者賜焉謂近侍曰昉可謂善人君子
也事朕兩入中書未嘗有傷人害
物之事宜有今日所享因賜詩焉

正月十五日五

原詩唐郭利正詩曰九陌連燈影千門共月華傾城出
寶騎匝路轉香車 蘇味道望日夜遊詩曰火樹銀花
合星橋鐵鎖開暗塵隨馬去明月逐人來遊騎皆穠李
行歌盡落梅金吾不禁夜玉漏莫相催 崔液夜游詩
曰玉漏銅壺且莫催鐵關金鎖徹明開誰家見月能閒
坐何處聞燈不看來 又曰神燈佛火百輪張刻像圖

形七寶裝影裏如聞金口說空中似散玉毫光 又曰
金勒銀鞍控紫騮玉輪朱幘駕青牛驂驪始散東城曲
倏忽還逢南陌頭 **增**明皇軒游宮十五日夜詩曰行
邁離秦國巡方赴洛師路逢三五夜春色暗中期關外
長河轉宮中淑氣遲歌鐘對明月不減舊遊時 薛曜
正夜侍宴應制詩曰重關鐘漏通夕敞鳳皇宮雙闕祥
煙裏千門明月中酒杯浮湛露歌曲唱流風侍臣咸醉
止恒媿遇恩崇 孫逖正月十五夜應制詩曰洛城三
五夜天子萬年春綵仗移雙闕瓊筵會九賓舞成蒼頡
字燈作法王輪不覺東方日遙隨御藻新 陳嘉言上

元夜效小庾體同用春字詩曰今夜可憐春河橋多麗
人寶馬金為絡香車玉作輪連手窺潘掾分頭看洛神
重城自不掩出向小平津 崔知賢上元夜效小庾體
同用春字詩曰今夜啓城闈結伴戲芳春鼓聲撩亂動
風光觸處新月下多遊騎燈前饒看人歡樂無窮已歌
舞達明晨 韓仲宣上元夜效小庾體同用春字詩曰
他鄉月夜人相伴看燈輪光隨九華出影共百枝新歌
鐘盛北里車馬沸南鄰今宵何處好唯有洛城春 盧
照鄰十五夜觀燈詩曰錦里開芳宴蘭缸豔早年縵綵
遙分地繁光遠綴天接漢疑星落依樓似月懸別有千

金笑來映九枝前 王諶十五夜觀燈詩曰暫得金吾
夜通看火樹春停車傍明月走馬入紅塵妓雜歌偏勝
場移舞更新應須盡記取說向不來人 宋劉克莊燈
夕詩曰士女如雲服珥鮮暫陪獵較亦欣然清於坡老
游杭市儉似乖崖在劔川使指何功煩卜夜遨頭此念
可通天粵人擁道千層看不見絨鞍三十年 張耒上
元都下詩曰澹薄晴雲放月華晚妝新暈臉邊霞管絃
樓上爭酤酒巧笑車頭旋買花 又曰驕馬金鞭白面
郎雙鬢小女坐車箱輪聲轉轉歸何處留得紅籠絳蠟
香 元吳師道元夕詩曰柳臺梅巷鎖春晴酒思燈光

負賞心聽徹宣和太平曲獨看明月到更深 丁鶴年
元夕詩曰鐙火樓臺錦繡筵誰家簫鼓夜喧闐光移星
斗天逾近影倒山河月正圓金鎖開關明似晝銅壺傳
漏迴如年五雲不奏霓裳曲空使揚州望眼穿

原賦梁簡文帝看燈賦曰何解凍之嘉月值蕙英之盛
開草含春而色動寒飛綵以偕來南油俱滿西漆爭燦
蘇徵安息蠟出龍川斜暉交映倒影澄鮮 **明高道**
素上元賦曰爾其陽律乍轉斗柄初東條條風以宣鬯
勃佳氣以鬱蔥解嚴凝而寒送沛膏沐而春逢駘春光
於萬里頌悅豫於九重值椒盤之既徹繼綵勝之新縫

官吏讌休士民間放落化國之華思發盛時之逸想分
藻火於天庭徹恩光於穹壤迺有伺節呈能因時射利
翦綺攢花裁羅撥藥偷桃李之先春圍羣芳之鮮麗化
工出其指下瑰怪憑於宵臆鬪雞走馬之奇攀猴躍鯉
之異疊素帶以風迴展花箋而霞起爍景色以炫時更
藏幽而寓謎觀覽難周心賞不既故雖鄉邨郊野鄙邑
井廛樂不擇地費何惜錢黎老夜歌於宇下稚子索笑
於燈前賣薪杏市酤酒茅菴幽林發燄疎井起煙洵山
陬之寂寞亦炎熱之喧填若夫通衢廣肆大邑都城層
樓疊觀復柱連楹檐牙相向飛翬相嬰東西角豔南北

關英標旌旆兮容與結綵綠兮繽紛響轆轤而貫井牽
落索而空鳴十步一迷紅之閣四隅盡生白之高絳千
輪之冰月散萬點之石星焜煌熠燿不可殫名至若皇
都勝景帝里雄妍羅八方之瓌富窮萬禩之遐歡歌吹
沸地絲管揭天彤雲斐亶以翼牖瑞氣翦勃以承乾鼇
山對峙乎鳳閣虹橋直貫乎蚪檐支光風乎天上借皓
魄於雲間千街靜埽乎塵霧萬簾高卷乎晴煙麗譙吹
徹景陽鐘傳冰鈎同挂月鏡齊懸朗連漢陌耀接星躔
於是錦轡宵臨雕鞍晚度開朱門而畫戟并擁挽香車
而寶轂俱住賣跨駿之風流牽倚樓之情緒乘暗塵以

追賞覓紅燈以窺覷蓮步纔逢蘭鐙又遇曳佩振衢異
香飄路細語含媚怯視遺慕隋鞭索晒觸鐙假怒遷延
引避不可親附回盼復顧神爲形誤載游載嬉以熒以
煌棲臺不夜歡樂未央並舸遮錦立馬傳觴火蛾簇隊
竹騎成行烘寒雲而變和靄炙冷月而就溫光混昏曙
而一色欲向寢而何遑惟時天子際八極之豐亨值萬
幾之弘暢召太常以作樂敕巡街以夜放啓佳麗於天
府出珍奇於甲帳九枝延古昔之嘉名百葉翻今時之
巧樣朗珠映月以滴溜鳴玉無風而自響擗地軸於繡
圍織天文於翠網帶翻垂露之書蓋結流霞之狀海南

貢魚鯁之新奇胡北獻雁足之遺巧更倣七宿之瑩精
復規三陽之燦耀勢疊九層光開八照於是自內達外
並設兼陳於前則長朝太極奉天武英大社思善進春
乾明於後則迎暉望月乾清坤寧便閣相對寢殿頻仍
於左則文華一本長壽順門於右則保和安慶千秋萬
春皆窮奢極麗混色同塵流虹百道火樹千尋絳珠琲
於畫棟鳴金珂於彩楹射光明於北省照瀟灑於西清
瓊臺寶榭兮遙相通迴廊複道兮煙朦隴危梁百尺兮
開菡萏厄僻數仞兮披芙蓉西東對列各按其節彼此
混一不移而給乃復開瑤宴於別殿續佳賞於中宵宣

學士召臣僚發桂漿與蘭汁雜海錯與山殽陳千年之
雪藕出萬歲之冰桃擊沈明之磬響雲林之璈命傳柑
於內使錫庭燎於官曹略君臣之常禮同賓主之歡交
興較始而彌逸情迨後而愈豪又或挾龍儲以陪宴攜
鶴駕以同游序天倫而雍穆洽同氣而綢繆相推梨而
讓棗式宴好而無尤邁英華於對日顯敏慧於如流樂
絲中而不替愉中節而未休既夜久而更深暫燈昏而
影杳則有當筵御姬輕移窈窕抽瓊釵以挑燼彈玉指
以撥燎駐液揚輝添膏益曜雲蓋如飛星球轉皎煙吐
溜於風迴光散縷而霞繞石榴金粟之攢攢蜻眼蟲眉

之矯矯高槃呈五色之祥短檠報雙葩之兆應太乙之
來臨知祈仙之非謬良夜逶迤歡樂且多交酬密勿屢
舞僊娜燕姬擊柱趙女叩壺迭奏霓裳之曲齊翻子夜
之歌天子乃反顧徐思恬神定息厭繁聲之聒耳思要
言之有益紫霞收白乳出屏麗妃留嘉客宣墨綬以賦
詩詔金章以聯什感鴻運而揚休紹虞廷而駢跡王言
發兮流道腴羣工贊兮奏廟謨占農事兮祝青女卜蠶
功兮祈紫姑披銀光兮璨瑾瑜落文犀兮傾珍珠少焉
月還西漢霧生東沼彤簾動影天街漸暝乃敕金蓮以
歸舊第整鑾輿以肅御道衣不解帶坐不更席即鳴魚

鈴以登九位控虹蜺以朝百辟金鎖偕開玉關齊闢咸
進賀言兼稱謝表勞御手以親披閱重瞳以啓曜喜魚
水之相投更匡弼之悉效惟懼照臨之或遺於覆盆聰
明之或蔽於近小於是下德音降溫旨剔妨農之宿蠹
通壅商之積滯煥然一明與天下更始太史以書王官
以誌邇誦遐傳垂於世世豈徒侈宴賞之美談飾嬉娛
之盛事而已哉

晦日

增曆志曰若合於子正則晦日之朝猶朔日之夕也是
以月皆不見若合於午正則晦日之晨猶朔之昏也是

以月或皆見之矣 **原**荆楚歲時記曰元日至月晦並
為醮聚飲食每月皆有晦朔正月初年時俗重以為節
又曰元日至於月晦士女泛舟或臨水宴樂 玉燭
寶典曰元日至月晦人並為醮食度水土女悉湔裳酌
酒於水湄以為度厄今世人唯晦日臨河解除婦人或
湔裙

晦日二

原帝王世紀曰堯時有草夾階而生每月朔生一莢月
半則生十五莢自十六日一莢落至月晦而盡月小則
餘一莢厭而不落惟盛德之君應和氣而生以為瑞草

名為萸莢一名曆莢

增隋禮志曰北齊正月晦日中

書舍人奏被除汎舟則皇帝乘輿鼓吹至行殿升御座
乘版輿以與王公登舟置酒非與汎者坐于便幕 舊
唐書曰貞元四年九月二日敕今方隅無事烝庶小康
其正月晦日三月三日九月九日宜任文武百僚選勝
地追賞為樂仍各賜錢以充宴會

晦日三

原澗莫

掩桂

上詳晦日二 虞喜安天論曰

增昆

池

澹水

景龍文館記云中秋人桂樹月初則生 賦

選一首為新羅御製曲從臣悉集其下須臾紙落如飛
各認其名而懷之 又云景龍四年正月二十八日晦
歲時雜記

上幸澹水宗楚客應制詩御輦出明光乘流泛羽觴鄭
樞詩素澹接宸居青門盛被除摘蘭喧風野浮藻溢龍
渠

晦日四

原提月公羊傳曰提月六鷁退飛過宋都提月者何僅

建是月晦日也何休注曰提月邊也魯人語也

在是月晦日大盡小盡月有小盡者胸眺有警

晦日五

原詩後魏盧元明晦日汎舟應詔詩曰輕灰吹上管落

莫飄下帶遲遲春色華碗碗年光麗北齊魏收晦日

汎舟應詔詩曰裊裊春枝弱關關新鳥呼權唱忽透迤

菱歌時顧慕容賞芳月色宴言忘日暮游豫慰人心照

臨匡國步唐太宗月晦詩曰晦魄移中律凝喧起麗

城罩雲朝蓋上穿露曉珠呈笑樹花分色啼枝鳥合聲

披襟歡眺望極日暢春情張說晦日詩曰晦日嫌

春淺江浦看湔衣道傍花欲合枝上鳥猶稀共憶浮橋

晚無人不醉歸寄書題此日雁過洛陽飛杜審言晦

日宴遊詩曰日晦隨莫莢春情著杏花解紳宜就水張

幕會連沙歌管風輕度池臺日半斜更看金谷騎爭向

石崇家陳子昂晦日宴高氏林亭同用華字詩曰尋

春遊上路追宴入山家主第簪纓滿皇州景望華玉池

初吐溜珠樹始開花歡娛方未極林閣散餘霞 崔知
賢晦日宴高氏林亭同用華字詩曰上月河陽地芳辰
景望華懸蠻變時鳥照曜起春霞柳搖風處色梅散日
前花淹留洛城晚歌吹石崇家 長孫正隱晦日宴高
氏林亭同用華字詩曰梅晚屬煙霞遨遊重歲華歌鐘
雖戚里林藪是山家細雨猶開日深池不漲沙淹留迷
處所巖岫幾重花 徐皓晦日宴高氏林亭同用華字
詩曰綺筵乘暇景瓊醕對年華門多金埒騎路引玉人
車蘋早猶藏葉梅殘正落花藹藹林亭晚餘興泛流霞
周思鈞晦日宴高氏林亭同用華字詩曰早春驚柳

燧初晦掩冀華騎出平陽里筵開衛尉家竹影含雲密
池紋帶雨斜重惜林亭晚上路滿煙霞 王維晦日宴
高氏林亭同用華字詩曰上序披林館中京視物華竹
窗低露葉梅徑起風花景落春臺霧池侵舊渚沙騎邀
歌吹晚暮雨泛香車

釋文唐韓愈送窮文曰元和六年正月乙丑晦主人使
奴星結柳作車縛草為船三指窮鬼而告之

淵鑑類函卷十七

金華...
 文曰...
 風外...
 信曰...
 社...
 寒食...
 二月八日...

淵鑑類函卷十八

歲時部七

二月八日

三月三日

社

寒食

二月八日

飛鳳

盤龍

壽陽記梁陳典曰二月八日行城樂歌

鳳城勢

釋氏下生之日

歲時記云二月八日迦文成道

之時

繞城遊一匝之行

本願經云二月八日夜半太子

也

在家守八關之誠

阿那云二月八日當行

至走王內則

在

阿那云二月八日當行

行城中矣

在

阿那云二月八日當行

八關之日

芳春節

道經云二月八日當行

八關之日

芳春節

道經云二月八日當行

脩齋

芳春節

道經云二月八日當行

歲時部

二月八日

二月八日

淵鑑類函卷十八

二月八日

二月八日

花朝一

增提要錄云唐以二月十五為花朝 風土記云浙江風俗言春序正中百花競放乃遊賞之時花朝月夕世所常言宋條制守土官于花朝日出郊勸農

花朝二

增撲蝶

增蠶蠶

誠齋詩話云唐以花朝為撲蝶會統略云蜀人二月望日嚮蠶器于市因作樂縱觀謂

之蠶市

勸農

賜詩

上詳花朝一 宣德二年御製花朝詩賜尚書張本

社一

增詩經曰以社以方我田既臧農夫之慶琴瑟擊鼓以迓田祖以祈甘雨以介我稷黍以穀我士女 **增**周禮

肆師職曰社之日蒞卜來歲之稼鄭注云為取地財也禮記月令云擇元日命民社鄭注云春事興故祀之以祈農祥元日謂近春分前後戊日元吉也 **增**考經緯曰社土地之主也土地闢不可盡祭故封土為社以報功也

社二

原風俗通曰謹按左傳共工之子曰勾龍佐顓頊能平九土為后土故封為土公祀以為社神也 **增**西京雜

記云高祖少時常祭枌榆之社及移新豐亦還立焉

增漢書曰陳平既娶張氏女資用益饒遊道日廣里中

社平爲之宰分肉食甚均里父老曰善陳孺子之爲宰
平曰嗟乎使平得宰天下亦如此肉矣 魏志曰王修
年七歲喪母母以社日亡來歲鄰里社修感念母悲哀
鄰里聞之爲之罷社 武陵先賢傳曰潘京爲州辟進
謁值社會因得見次及探得不孝刺史問曰辟士爲不
孝耶京舉版荅曰今爲忠臣不得復爲孝子其機辯如
此 魏臺訪議曰帝問何用未社丑臘王肅對曰魏土
也土畏未丑之明日便寅寅木也故以丑臘土成于未
故于歲始未社也 世說云阮修字宣子伐社樹有
人止之宣子曰社而爲樹伐樹則社亡樹而爲社伐樹

則社移矣 通志圖經曰董龍蓋屋人家貧與里人共
祀社衆買牲牢龍撰文以祭祭畢分胙久之衆不平遂
出龍龍造泥飯以祭祭畢泣于樹下將焚文有白鼠銜
文入地穴掘之獲白金一斗龍不自私率衆首官縣令
賢之奏聞旌表其閭曰義夫里遂名董龍社樹 北史
曰李士謙字子約謚子也髡髮以孝聞伯父瑒稱爲吾
家顏子李氏宗黨豪盛每春秋二社必高會極宴無不
沈醉誼亂嘗集士謙所盛饌盈前而先爲設黍謂羣從
曰孔子稱黍爲五穀之長荀卿亦云食先黍稷古人所
尚寧可違乎少長肅然無敢弛惰退而相謂曰旣見君

子方覺吾徒之不德也 **原**宗懷荆楚歲時記曰社日

四鄰共結綜會社牲醪為屋于樹下先祭神然後共享

其胙鄭氏云百家共一社今百家所立社綜即共立之

社也 **增**提要錄曰社公社母不食舊水故社日必有

雨謂之社翁雨陸龜蒙詩云幾點社翁雨一番花信風

原佛經云世尊見殺牛羊以為社戒之云地獄滿塞

正坐殺害汝等何以為社奉齋守戒則獲福無量矣

社三

增報功 反始 上詳社一 禮郊特牲社 禮郊特牲社 禮郊特牲社

醉俗傳社日喫酒治耳聾賈氏談錄宋李昉為翰林學

士月給內醢兵部李相濤小字社翁好滑稽嘗因春

社寄昉詩社翁今日沒心情為之治聾酒一餅惱亂玉

堂將欲徧依稀巡到第三廳 張贛社日郵居詩鵝湖

山下稻梁肥 狔家扶得醉人歸 飲福 洽歡 詩話

拓影斜春社散家扶得醉人歸 飲福 洽歡 詩話

二祭多差近臣王岐公禹玉在兩禁二十年 熙寧間為

翰林學士復被差題詩於齋宮曰鄰雞未唱曉驂催又

向靈壇飲福杯自笑治聾知不足明年強健更 燒錢

重來 鳴鼓 范至能田園雜興社下燒錢鼓似雷日斜扶得

梅聖俞和永叔詩玉卵不吞龍嗜肉燕子成兒 楓林

去華屋老癯半黃田鼓鳴樹下宰平誰似玉 楓林

擊鼓 草岸解鞍 唐劉禹錫送客詩楓林社日鼓茅屋

社日古詞落日解鞍芳草 岸花無人戴醉也無人管

社四

增燕社 古詞燕子來 卜稼 詳社 嘗春酒 社田翁社

歲時部 燕社 卜稼 詳社 嘗春酒 社田翁社

燕社 卜稼 詳社 嘗春酒 社田翁社

燕社 卜稼 詳社 嘗春酒 社田翁社

燕社 卜稼 詳社 嘗春酒 社田翁社

燕社 卜稼 詳社 嘗春酒 社田翁社

燕社 卜稼 詳社 嘗春酒 社田翁社

酒春

社五

原詩晉潘尼皇太子社詩曰太族協青陽履端發歲首
 孟月涉初旬吉日惟上酉我后邇天休設社祈遐考
 李叔達祠社詩曰升壇預結祀諾阜肅分司椒蘭平酒
 酌簋簋撤香萁 王廙春可樂曰吉辰兮上戊明靈兮
 惟社伯仲兮畢集祈祭兮樹下濯卵兮菹韭齧蔬兮擗
 鮓縹醪兮浮蟻交觴兮並坐氣和兮體適心怡兮志可
 又曰良人祝社祥始告元華壇峻宇明蓋幢幡
 宋陸游社日詩曰太平處處是優場社日兒童喜欲狂

且看參軍喚蒼鷗京都新禁舞絲郎 又社飲詩曰東
 作初占嗣歲宜蠶宮又近乞靈時傾家釀酒無遺力倒
 社迎神盡及期先醉後醒驚老憊路長足蹇歎歸遲西
 邨漸過新塘近宿鳥歸飛已滿枝 元戴表元社日城
 南詩曰社日年年雨江花處處春漸成垂白老不見蹋
 青人榆柳邊聲雜龍蛇歲事新端來近城郭猶自厭風
 塵 郭鈺社日詩曰甲子頻書入短篇細推五戊卜春
 田讀書未有平戎策止酒聊輸祭社錢紅樹花穠春向
 晚畫橋柳暝雨如煙舊來歌舞今誰在燕子茅檐只自
 憐 明周子諒社日詩曰楓樹林邊雨脚斜兒童祈賽

歲時部

淵鑑類函卷十八

社

五

竟誼譁雞豚上戊家家酒鶯燕東風處處花野徑歸時
扶醉客叢祠祭罷集神鴉瀕湖生意傷多潦預祝汙邪
載滿車 石瑤社日詩曰春風簾幙駐晴雲社酒杯深
我對君燕子未來花不語綠蕪寒雀共斜曛 方太古
社日出遊詩曰邨邨社鼓隔溪聞賽祀歸來客半醺水
緩山舒逢日暖花明柳暗貌春分平田白洳流新雨絕
壁青楓挂斷雲策杖提壺隨所適野夫何不可同羣
原序晉嵇合社賦序曰社之在於世尚矣自天子至於
庶人莫不咸用有漢卜日丙午魏氏釋用丁未至於大
晉則社孟月之酉日各因其行運三代固有不同雖共

奉社而莫議社之所由興也

原祝文後漢蔡邕祝社文曰元正令午時惟嘉良乾坤
交泰太族運陽乃祀社靈以祈福祥 晉傅元祝社文
曰社君自東百靈齊行翠蓋翩翩象輿瑁箱王于進駕
驂服調良 晉應碩祝社文曰元首肇建吉酉辰良五
政敷惠四教初揚萬類資新英穎擢章谷風滌歲日和
時光命於嘉賓宴茲社箱敬饗社君休祚是將嘉穀綺
錯白茅薦恭有肉如坻有酒如江社君既眷祇肅威容

寒食一

原周禮曰司烜氏仲春以木鐸修火禁于國中為季春

歲時部

淵鑑類函卷十八

寒食

六

將出火也

寒食二

原荆楚歲時記曰去冬節一百五日即有疾風甚雨謂

之寒食據曆合在清明前二日禁火三日琴操曰晉文

子綏作龍蛇之歌而隱文公求之不肯出乃燔左右木

子綏抱木而死文公哀之令人五月五日不得舉火又

周舉移書及魏武明罰令陸翹鄴中記並云寒食斷火

起于子推琴操所云子綏綏即推也又云五月五日與

今有異皆因流俗所傳據左傳及史記並無介子推被

焚之事案周禮司火氏修火禁于國中注云為季春將

出火也今寒食有節氣是仲春之末清明是三月之初

然則禁火蓋用之造餽大麥粥玉燭寶典口今人悉為

餽沃之孫楚祭子推文云黍鬪鷄餽鷄子鬪鷄子玉燭

飯一盤醴酪二盂是其事鬪鷄餽鷄子鬪鷄子賣典

遠矣古之豪家食稱畫卵今代猶染藍茜雜色仍加雕

鏤透相餉遺或置盤俎管子曰離卵熟斷之所以發積

藏散萬物張衡南都賦曰春卵夏筍秋韭冬菁便是補

益滋味其關卵則莫知所出董仲舒書云心打球劉向

如宿卵為體內藏以據其剛鬚鬪鬪理也

戰國案鞠與球同古人蹋蹴以為戲

范曄後漢書

曰周舉遷并州刺史太原一郡舊俗以介子推焚骸有

龍忌之禁至其月咸言神靈不樂舉火移書于子推廟

云春中寒食一月老小不堪今則三日而已周斐先

賢傳曰太原舊俗云介子推焚骸一月寒食莫敢煙爨

陸翹鄴中記云并州俗冬至後百五日為介子推斷

火冷食三日作乾粥今之糗是也又曰寒食三日作

歲時部

鬪鷄餽鷄子鬪鷄子

鬪鷄餽鷄子鬪鷄子

鬪鷄餽鷄子鬪鷄子

醴酪煮粳米及麥為酪擣杏仁煮作粥。魏書曰魏武帝明罰令曰聞太原上黨西河雁門冬至後百五日皆絕火寒食云為介子推且子胥沈江未有絕冰之事今北方互寒之地老少羸弱患將不堪令到人不得寒食若犯者家長半歲刑主吏百日刑令長奪一月俸。唐書曰天寶二年諸陵常以寒食薦餽粥鷄球雷車。又曰開元敕寒食上墓禮經無文近代相傳寢以成俗宜許上墓同拜掃禮。天寶遺事曰天寶宮中至寒食節競築秋千令宮嬪輩戲笑以為宴樂帝呼為半仙之戲都中士民相與倣之。酉陽雜俎云寒食日賜侍臣

拈綵球繡草宣臺宴宰相用醪醑酒。西京雜記云寒食節內僕司車與諸軍使為繩樞之戲。金門歲節云寒食汝萬花輿煮桃花粥。柳宗元書云近世禮重拜掃今闕者四年每遇寒食北向長號以首頓地想田野道路士女徧滿阜隸庸甸皆得上父母丘壠馬醫夏畦之鬼無不受子孫追養者。五代史曰寒食野祭焚紙錢。古今藝術圖曰北方山戎寒食日用秋千為戲以習輕趨者。

寒食三

原畫鴨

斃鳥

俗雕畫鴨子以相餉。拾遺記云文公焚山求子推時有白鳥從煙中斃。

歲時雜

附鹽類函卷十八

寒食

內火

新煙

傳以出內火注內藏也謂出火也

餐盤

餽粥

飲燒飯曰餐俗

以備斷火

遺麥粥

齊魏收遺景元麥

祭酪孟

齊魏收遺景元麥

下詳寒食二

一月寒食

三日斷火

禁火之辰

遊春之月

二

三之月

百五之辰

介子推之遺風

魏武帝之舊

令禁其煙周之舊制

不斷火魏之新規

發火

兩

賣錫天

唐熊孺登詩東風潑火雨新休詩話云為詩用僻字須有來處宋劉夢得

馬詩上逢寒食春來不見錫嘗疑此錫字因讀

毛詩鄭箋說吹簫處云即今賣錫人家物

寒食四

折柳

歲時記江淮間寒食家家折柳插門

熟食

秦人呼寒食為熟食言不動煙火辦熟食

也杜詩幾年逢熟食萬里過清明

婪尾酒

白樂天詩寒食三杯婪尾酒

百日節

即寒食日

青精飯

居人過寒食采楊桐葉染飯色青而有光食之資陽氣道家謂之青精乾石飢

寒食五

原詩李崇嗣途中寒食詩曰普天皆滅燄匝地盡藏煙

不知何處火來就客心 宋之問途中寒食詩曰馬

上逢寒食途中屬暮春可憐江浦望不見洛陽人

又寒食江州滿塘驛詩曰去年上巳洛橋邊今年寒食

廬山曲遙憐鞏樹花應滿復見吳洲草新綠吳洲春草

蘭杜芳感物思歸懷故鄉驛騎明朝發何處猿聲今夜

斷君腸 又寒食陸渾別業詩曰洛陽城裏花如雪陸

渾山中今始發日別河橋楊柳風夕臥伊川桃李月伊

歲時部

附錄類卷十八

寒食

九

川桃李正芳新寒食山中酒復春
楚老不知堯舜力酣歌一曲太平人
原沈佺期嶺表寒食詩曰嶺外逢寒食春來不見錫洛中新甲子明日是清明
舊王維寒食城東即事詩曰清溪一道穿桃李演漾綠蒲涵白芷
溪上人家凡幾家落花半落東流水蹴踘屢過飛鳥上
秋千競出垂楊裏少年分日作遨遊不用清明兼上巳
又寒食汜上詩曰廣武城邊逢暮春汶陽歸客淚霑中
落花寂寂啼山鳥楊柳青青渡水人 王昌齡寒食即事詩曰晉陽寒食地風俗舊來傳
雨滅龍蛇火春生鴻雁天泣多流水漲歌發舞雲旋西見子推廟空爲人

所憐 李嶠寒食清明早赴王門率成詩曰遊客趨梁邸朝光入楚臺
槐煙乘曉散榆火應春開日帶晴虹上花隨早蝶來雄風乘令節餘吹拂輕灰
韋承慶寒食應制詩曰鳳城春色曉龍禁早暉通舊火收槐燧餘寒入桂宮
鶯啼正隱葉雞鬪始開籠藹藹遙山滿仙歌始樂風 宋王禹偁寒食詩曰寒食江都郡
青旗賣楚醪樓臺藏綠柳籬落露紅桃妓女穿輕屐笙歌泛小舸使君慵不出
愁坐讀離騷 元柳貫寒食山居詩曰歲月無情日變遷惜春留得酒家錢
梨花小雨驚寒食楊柳東風似去年志士屬當躬并曰善人誰爲表原田老來

寒食

撫節偏多感何必雲安有杜鵑 劉因寒食道中詩曰
簪花楚楚歸寧女荷鍤紛紛上冢人萬古人心生意在
又隨桃李一番新 宋无寒食詩曰十日花時九雨風
年年百五病愁中春寒不禁香篝火紅蠟青煙憶漢宮
戴表元林邨寒食詩曰出門楊柳碧依依木筆花開
客未歸市遠無錫供熟食邨深有紵試生衣寒沙犬逐
遊鞍吠落日鴉銜祭肉飛聞說舊時春賽罷家家鼓笛
醉成圍

清明一

增淮南子天文訓曰春分後十五日斗指乙為清明

歲時記云唐朝于清明取榆柳之火以賜近臣順陽氣
也 會要曰禁火乃周之舊制唐宋清明日賜新火亦
周人出火之義 白居易云節過藏煙時當改火

清明二

景龍文館記曰清明節唐中宗命侍臣為拔河之戲
以大麻絙兩頭繫千條小繩數人執之爭挽以力弱者
為輸又按景龍四年上御梨園命三品以上拋球拔河
韋巨源唐休璟衰老隨絙踣地不能興上及皇后妃臨
觀大笑 唐輦下歲時記曰長安清明尚食內園官小
兒于殿前鑽火先得火者進上賜絹三匹金碗一口都

人聚門外以觀 夢華錄云京師清明日四野如市芳
樹園圃之間羅列杯盤互相酬勸歌舞徧滿抵暮而歸

清明三

日在婁 斗指乙 三月之節 日在婁清明為 桐始

開華 榆方出火 清明之日 桐始華 春取 拔河

淘井 上詳清明二 志林云黃州俗清明淘井東坡在

明都過了 石泉榆火 一詩新夢中曰火固新矣泉何故

智果院賦于寒食之明日泛湖謁參寥 鬪雞 走

泉鑽火烹黃藥茶忽悟所夢詩作應夢記 鬪雞 走

狗 東城父老傳云唐明皇樂民間清明鬪雞戲及即位

雞坊選六軍小兒五百使教劍之時賈昌年七歲為五

百小兒長天子甚愛幸之金帛之賜日至其家又云明

皇以乙酉年生而喜鬪雞是兆亂之象也 風作意

雨斷魂 上見後宋陳與義詩 社牧詩云清明時節雨

遙指杏 和冷粥 試新茶 白樂天詩云留錫和冷粥

花郵 云且將新 蘇東坡詩

火試新茶 清明四

增詩 唐杜甫清明詩曰著處繁華矜是日長沙千人萬

人出渡頭翠柳豔明眉爭道朱蹄驕鬪膝此都好遊湖

西寺諸將亦自軍中至馬援征行在眼前葛彊親近同

心事金鐙下山紅粉晚牙檣揆柁青樓遠古時喪亂皆

可知人世悲歡暫相遣弟姪雖存不得書干戈未息苦

離居逢迎少壯非吾道况乃今朝更祓除 又曰朝來
新火起新煙湖色春光淨客船繡羽衝花他自得紅顏
騎竹我無緣胡童結束還難有楚女腰肢亦可憐不見
定王城舊處常懷賈傅并依然虛霑焦舉為寒食實藉
君平賣卜錢鐘鼎山林各天性濁醪粗飯任吾年 張
說清明日詔宴寧王山池賦得飛字詩曰今日清明宴
佳景惜芳菲搖揚花雜下嬌囀鶯亂飛綠渚傳歌榜紅
橋度舞旂和風偏應律細雨不霑衣承恩如改火春去
春來歸 宋陳與義清明詩曰街頭兒女雙髻鴉隨蠶
趁蝶學天邪東風也作清明節開徧來禽一樹花 明

袁凱清明獨坐詩曰花柳千家郭外邨老夫官屋近荒
園晴林渺渺浮雲氣細草油油疊浪痕川上畫船爭載
酒煙中長笛自銷魂暮年况復追遊倦落日泥牆獨閉
門

三月三日一

原應劭風俗通曰按周禮女巫掌歲時以祓除疾病禳
者潔也故于水上盥潔之也已者祉也邪疾已去祈介
祉也 韓詩曰三月桃花水之時鄭國之俗三月上巳
於溱洧兩水之上執蘭招魂續魄拂除不祥 韓詩章
句曰鄭俗上巳秉蘭祓除

三月上巳沈約宋書曰魏已
後但用三日不復用已也

三月三日

後漢書曰三月上巳官民皆潔于東流水上自洗濯

被除宿垢為太潔 **增**晉書曰上巳集宴于華林園

南齊志曰禊者潔也言自洗濯也 **原**荆楚歲時記曰

三月三日土人並出水渚為流杯曲水之飲 雜五行

書曰欲知蠶善惡常以三月三日天陰而無日不見雨

蠶大善

三月三日二

原漢書曰太后春幸蠶館率皇后列侯夫人桑遵灞水

而被除 **增**西京雜記曰戚夫人侍兒賈佩蘭說戚夫

人嘗以正月上辰出池邊盥濯食蓬餌以祓妖邪三月

上巳張樂于流水如此終歲焉 **原**魏志曰袁紹三月

上巳大會賓徒于薄落津聞魏郡兵及黑山賊于毒等

數萬人共覆鄴城殺守坐中客家在鄴者皆憂怖失色

或起而泣紹容貌自若不改常度 晉中興書曰王導

謂仲兄敦曰王仁德未著而名位猶輕兄威名日已振

宜有以共相匡舉會三月三日中宗出禊乘肩輦敦導

並騎從紀瞻使人覘之既聞敦導騎從乃大驚自出拜

于道左中宗從容謂導曰卿吾之蕭何也 夏仲御別

傳曰仲御詣洛到三月三日洛中王公以下莫不方軌

連軫並至南浮橋邊禊男則朱服耀路女則錦綺粲爛

仲御時在船中曝所市藥雖見此輩穩坐不搖賈公望見之深奇其節願相與語此人有心膽有似冀缺走問船中安坐者為誰仲御不應重問徐乃荅曰會稽北海間民夏仲御 續搜神記曰盧充獵見麀便射中之隨逐不覺遠忽見一里門如府舍問鈴下鈴下對曰崔少府也進見少府少府語充曰尊府君為索小女婚故相迎耳三日畢車送充至家母問其狀以對與崔別後四年充三月三日臨水戲遙見水傍有犢車充往開車戶見崔女與三歲男共載情意如初抱男兒還充又與金梳別 續齊諧記曰晉武帝問尚書郎摯虞曰三日曲

水其義何指荅曰漢章帝時平原徐肇以三月初生三女至三日俱亡一邨以為怪乃相攜之水濱盥洗遂因水以汎觴曲水之義起於此帝曰若如所談便非佳事尚書郎束皙曰仲治小生不足以知此臣請說其始昔周公城洛邑因流水以汎酒故逸詩云羽觴隨波又秦昭王三日置酒河曲見有金人出捧水心劍曰令君制有西夏及秦霸諸侯乃因此處立為曲水祠二漢相緣皆為盛集帝曰善賜金五十斤左遷仲治為陽城令戴逵竹林七賢論曰王濟嘗解楔洛水明日或問王曰昨遊有何語議濟曰張華善說史漢襄逸民敘前言往

行袞袞可聽 **增**南齊志曰三月曲水會禊祭也漢儀濯東流水上不見東流為何水晉中朝公卿庶民皆禊洛水之側趙王倫篡位三日會天淵池誅張林懷帝會天淵池賦詩陸機曰天淵池南石溝引御溝水池西積石為禊堂跨水流杯飲酒亦不言曲水元帝又詔罷三日弄具今相承為百戲之具雕弄伎巧損益無常案禊與曲水其義參差舊言陽氣布暢萬物齊出一說三月三日清明之節將修祀于水側禱祀以祈豐年 唐書曰張建封入覲值元已德宗賜宴曲江特命與宰相同座而食 中朝故事曰唐每歲上巳許宮女于興慶宮

大同殿前與骨月相見縱其問訊家眷更相遺贈 西京雜記曰樂遊原漢宣帝所立唐長安中太平公主于原上置亭遊賞其地四望寬敞每三月上巳九月重陽士女遊戲就此被禊登高幄幕雲布車馬填塞綺羅耀日馨香滿路朝士詞人賦詩翌日傳于京師 酉陽雜俎曰唐時三月三日賜侍臣細柳圈言帶之免蠱毒燕北雜記云三月三日以木雕為兔分朋走馬射之先中者勝其負朋下馬奉朋人酒勝朋於馬上接盞飲之番呼此節為陶裒花陶裒是兔花是射

三月三日三

元巳 上除 張衡南都賦曰暮春之禊元巳之辰方

大無月上除之水陽 周禊 鄭祓 並詳三月 曲水

迴流 溫詩曰三月三日一 徐廣三日臨水詩曰 祓禊

禊洛 漢書曰武帝即位數年無子平陽公主求良家

誣者進獨悅衛子夫 金堤 石壇 陸翽中記華林

銅龍相向吐水以注天泉池通御溝中三月三日石季

有東西溝承御溝水之北有積 南澗 東堂 孫綽

石壇 晉起居注曰御堂流杯之處 南澗 東堂 孫綽

康序 晉起居注曰御堂流杯之處 南澗 東堂 孫綽

圃 潘岳三月三日從華林園詩曰清節中季春姑洗通

淡藹 天泉載祿載清 旌門 帳殿 庾肩吾三日詩旌

三日詩帳 蘭亭會 籬露歌 永和九年修禊事也

客于洛水酒酣繼以籬露歌周 周曲洛 晉華林

於曲洛也 晉朝上 南浮橋 東流水 上詳三月三

日集宴於華林園也 南浮橋 東流水 上詳三月三

不成罰酒三升而隆 姑洗應月 句芒御春 見張華

只得詩一句而已 姑洗應月 句芒御春 見張華

連極招搖指辰太昊司方句芒御春 柳泉解禊 蘭

田稅駕 苻朗嘗以為解被處 見張協洛禊賦 浮棗

絳水 酌酒釀川 被禊賦 水禽駭躡 陽侯動波 見

射 歲時記四民三日為流杯曲水之飲取黍麴菜汁和

三月三日

草銜長帶桐垂細乳 八公既登 四民並出 宋武帝

鳥轉歌來花濃雪聚 荆楚歲時記云三月三日四民並出臨清渚為流杯曲

飲也 暮春之節 上巳之辰 東晉善對而賜金

張華能談而稽古 周公卜邑於洛羽觴隨波 秦王

置酒於河金人捧劍 蠶市 龍池 成都記三月三

龍橋命曰蠶市 上履 聽琴 唐輦下歲時近祈福于

青盧公範饋飾義三月三日上履青鞋履 韓退之上

已宴太學聽琴序曰天子肇置三令節詔公卿羣有

少儀於是總太學儒官三月初吉實維其時司業武公

鼓有虞之南風廢之以文王宣父之操武公作詩歌以

之美 少陵作歌 居易獻詩 村少陵有樂遊園歌

三月三日河南尹李待價以人和歲稔將禊於洛濱前

一日啓留守裴令公公明日召白居易蕭籍李仍叔劉

禹錫鄭居中李憚李道樞崔晉張可續盧言苗愔裴儔

裴洽楊魯士弘暮一十五人合宴于舟中由斗亭歷魏

堤抵津橋登臨沂浴自晨及暮賞心樂事盡得於今日

矣若不記錄謂洛無人晉公首賦鏗然玉振顧謂四座

繼而和之居易舉酒抽 結錢為龍 點油成鳳 妝樓

毫作十二韻詩以獻 安有妓樂三月三日結錢為龍作錢龍宴 圖經池陽

謂之油 上巳日婦女以薺花點油灑之水中成龍鳳之狀則吉

花卜 三月三日四

原 三月令日 見張協 青春暮月 潘尼上巳帝會天淵詩

律應姑洗 上禊三巳 王廙春可樂云禊號三巳臨川

日惟元巳 風土記云漢末郭虞者有三女一以三月上

三月上巳 辰一以上巳一以上午三日三女乳時並亡

歲時部 三月三日

迄今時俗以為大忌故到是月是日婦人忌諱不
復止家皆適東流水上就通遠地祈被自潔濯也
嘉

禊洛濱王康洛都賦云若乃暮春嘉禊三巳之辰貴賤
同遊方驥齊輪麗服靚妝祓除洛濱流芳塞路

映雲乘舟禊川者陽氣和暖鮪魚時至將取以薦寢
廟故因是乘舟禊于名川也論語暮春浴乎沂自上
及下古有此禮今三月上也祓于水濱蓋出此也

撫琴鼓岳社預七規云薦以雞盤盛以彝器騰
波傳觴託水班類撫琴擊玉岳

豐沴周禮云女巫巫掌歲時祓除豐沴鄭
注云如今三月上也水之上類也

祝文云洋洋暮春祓除自祓過平陽第漢書武帝祓瀾
除有求百福春洛水矣

帝獨悅衛子夫賜平陽公主金千斤會薄洛津詳三

月三日禊祈社巳者社也詳青鞋履詳前羽觴陸

衡詩曰羽觴不可算注致鳥羽于觴以取急飲也蘭池

王勃清歌有關羽觴无算闕水環階引池入席

梁詩麗日屬元巳轉暮宿蘭池熏被濯禊上巳除不祥事

三月三日五

原詩晉張華三月三日後園會詩曰暮春元日陽氣清

明祁祁甘雨膏澤流盈習習祥風啓滯導生禽鳥逸豫

桑麻滋榮纖條被綠翠蓋含英於皇我后欽若昊乾順

時省物言觀中園讌及羣辟乃命乃延合樂華池被濯

清川汎彼龍舟泝游渚源又上巳詩曰仁風導和氣

句芒御昊春姑洗應時月元巳啓良辰密雲蔭朝日零

雨灑微塵飛軒遊九野置酒會眾賓晉潘尼三日洛

水作詩曰晷運無窮巳時逝焉可追斗酒足為歡臨川

歲時部 三月三日

胡獨悲暮春春服成百草敷英蕤聊爲三日遊方駕結
龍旂廊廟多豪俊都邑有豔姿朱軒蔭蘭皋翠幕映洛
澗臨岸濯素手涉水褰輕衣沈鉤出比目舉弋落雙飛
羽觴乘波進素卵隨流歸 晉王濟平吳後三月三日
華林園詩曰蠢爾長蛇薦食江汜我皇神武汎舟萬里
迅雷電邁弗及掩耳思樂華林薄采其蘭皇居偉則芳
園巨觀仁以山悅水爲智歡清池流爵祕樂通元物以
時序情以化宣 晉閻丘沖三月三日應詔詩曰暮春
之月春服旣成升陽土潤冰渙川盈餘萌達壤嘉木敷
榮后皇宣遊旣宴且寧光光華輦詵詵從臣微風扇穢

朝露翳塵上蔭丹幄下藉文茵臨川浥盥濯故潔新俯
鏡清流仰睇天津藹藹華林巖巖景陽業業峻宇奕奕
飛梁垂蔭倒景若沈若翔浩浩白水汎汎龍舟皇在靈
沼百辟同遊擊擢清歌鼓柷行酬聞樂咸和具醉斯柔
在昔帝虞德被遐荒干戚在庭苗民來王今我哲后古
聖齊芳惠此中國以綏四方元首旣明股肱惟良樂酒
今日君子惟康 晉王纘三月三日詩曰招搖啓運寒
暑代新疊疊不舍如彼行雲猗猗季月穆穆和春皇儲
降止宴及嘉賓嘉賓伊何具惟姻族如彼葛藟衍于樛
木郁郁近侍巖巖台嶽庶寮鱗次以崇天祿如彼崐山

列此琚玉巍巍天階亦降列宿右載元首左光儲副大
祚無窮天地爲壽 晉陸機詩曰遲遲暮春日天氣柔
且嘉元吉隆初已濯穢遊黃河 晉阮修上巳會詩曰
三春之季歲惟嘉時靈雨旣零風以散之英華扇耀翔
鳥羣嬉澄澄綠水澹澹其波修岸逶迤長川相過聊且
逍遙其樂如何坐此修筵臨彼清流嘉穀旣設舉爵獻
酬彈箏弄琴新聲上浮水有七德智者所娛清瀨灑澗
菱葭芬敷沈此芳鉤引彼潛魚委餌芳美君子戒諸
晉孫綽三月三日詩曰姑洗幹運首陽穆闡嘉卉萋萋
溫風煖煖言滌長瀨聊以遊眼縹蒨映流綠柳蔭阪羽

從風飄鱗隨浪轉 晉庾闡三月三日詩曰心結湘川
渚目散冲霄外清泉吐翠流綠醴漂素瀨悠想眇長川
輕瀾眇如帶 又三月三日臨曲水詩曰暮春濯清汎
遊鱗泳一壑高泉吐東岑洄瀾自淨聚臨川疊曲流豐
林映綠薄輕舟沈飛觴鼓柁觀魚躍 宋顏延之三日
侍遊曲阿後湖詩曰虞風載帝狩夏諺頌王遊春方動
宸駕望幸傾五州山祇蹕嶠路水若警滄流神御出瑤
軫天儀降藻舟萬軸肩行衛千翼汎飛浮雕雲麗璇蓋
祥飈被采旂江南進荆豔河激獻趙謳 又詔宴曲水
詩曰道隱未形治彰旣亂帝迹懸衡皇流共貫惟王創

物永錫洪算仁固開周義高登漢祚融世哲葉光列聖
太上正位天臨海鏡帝體麗明儀辰作貳君彼東朝金
昭玉粹德有潤身禮不訾器開榮灑澤舒虹爍電伊思
鎬飲每懷洛宴郊饒有壇君舉有禮幕帳蘭甸畫流高
陛分庭薦樂析波浮醴豫同夏諺事兼出濟 又三月
三日詔宴西池詩曰河岳曜圖聖時利見於赫有皇升
中納禪載貞其恆載通其變大哉人文至矣天睠昭哉
儲德靈慶攸繁明兩紫宸景物乾元帝宗蒼藹惟城惟
蕃袞衣善職彤弓受言飾館春宮稅鑣青輅長筵逶迤
浮觴沿泝 宋謝靈運三月三日侍宴西池詩曰詳觀

記牒鴻荒莫傳降及雲鳥曰聖則天虞承唐命周襲商
艱江之永矣皇心惟眷矧乃暮春時物芳衍濫觴逶迤
周流蘭殿禮備朝容樂闋夕宴 宋謝惠連三月三日
曲水集詩曰四時著平分三春稟融鑠遲遲和景婉天
天園桃灼攜朋適郊野昧旦辭鄜廓斐雲興翠嶺芳飈
起華爵解纒偃崇丘藉草繞迴壑際渚羅時藪託波汎
輕薄 齊謝朓爲皇太子侍華光殿曲水宴詩曰旁求
邃古逖聽鴻名大寶曰位得一爲貞朱綈叶祉綠字摛
英升配同貫進讓殊聲大橫將屬會昌已命國步中徂
震居膺慶璽劔克傳龜玉增映元塞北靡丹徼南極浮

鴻駕風非泳非陸西京藹藹東都濟濟秋被濯流春禊
浮體初吉云已上除方啓昔駕陽潁今歡雲陛嘉樂舊
矣芳宴在斯載留神矚有睟天儀龍精已映威仰未移
葉依黃鳥花落春池高宴弘敞禁林稠密青墜崖起丹
樓間出翠葆隨風金戈動日惆悵清管徘徊輕佻灞滻
入筵河淇流昨海若來往觴殺沿泝歡飲有終清光欲
暮輕輶迴音華組徐步 又爲人作三日侍華光殿曲
水宴詩曰神理內寂機象外融遺情汾水垂冕鴻宮樹
以司牧匪我求蒙徒勤日用誰契元功當宁日昃求衣
未明抵辮焚翠銷劍隕城九疇式序三辟載清麗景則

春儀方在震重聖積厚金式瓊潤被穢河浦張樂春疇
旣停龍駕亦汎鳧舟初鶯命曉朝華開夜飾陛導源迴
伊流灞開館巖敞長廊水架金觴搖蕩玉俎推移筵浮
水豹席擾雲螭歡茲廣宴穆是天儀 梁簡文帝三日
侍宴林光殿曲水詩曰芳年留帝賞應物動天襟挾苑
連金陣分衢度羽林帷宮對廣掖層殿邇高岑風旗爭
曳影亭臯共生陰林花初隋帶池荷欲吐心 又三日
率爾成詩曰芳年多美色麗影復妍遙握蘭唯是旦采
艾亦今朝迴沙溜碧水曲岫散桃夭綺花非一種風絲
亂百條雲起相思觀日照飛虹橋繁華炫姝色燕趙豔

妍妖金鞍汗血馬寶髻珊瑚翹蘭馨起縠袖蓮錦束瓊
腰相看隱綠榭見人還自嬌玉柱鳴羅薦渠枕汎迴潮
洛濱非拾羽滿握詎貽椒 又三日侍皇太子曲水宴
詩曰震德協靈年芳節淑濯伊臨灞蕩心愉目驥一作驟
騎晨野縱金曉陸蕙氣卷旌神颺擊轂層岑偃蹇聳觀
峒曉煙生翠幕日照綺寮銀華晨散金芝暮搖綠水動
葉丹距映條顧惟菲薄徒承恩裕藝學未優聲績不樹
豈辨河書寧摛淮賦徒偶羣龍終慙並馭 又曲水聯
句詩曰春色明上巳桃花落繞溝波迴卮不進綸下鉤
時留臣導絳水時迴岸花觴轉更周陳穀渡玉俎垂餌下

銀鈎

王

迴川入帳殿列俎間芳洲漢艾凌波出江楓拂

岸游

庾肩吾

王主迴水碓蔡姬蕩輕舟岸燭斜臨水波光

上映樓

殿下

梁沈約三日侍鳳光殿曲水宴詩曰光遲

蕙晦氣婉椒臺皇心愛矣帝曰遊哉玉鸞徐驚翠鳳輕
迴別殿廣臨離宮洞啓川祇奉壽河宗相禮清洛漸筵
長伊流陞回盪嘉羞搖漾芳醴輕歌易繞弱舞難持素
雲留管元鶴停絲引思爲歲歲亦陽止叨服賁身身亦
昌止徒勤丹漆終媿文梓 又上巳華光殿詩曰於維
盛世即軒媯朝豐宴鎬復在斯朝光灼爍映蘭池春風
宛轉入細枝時鶯顧慕聲合離輕波微動漾羽卮河宗

海若生蛟螭浮梁徑度跨迴漪朱顏始洽景將移安得
壯士駐奔曦 又侍林光殿曲水宴詩曰宴鑄鏘玉鑿
遊汾舉仙軼榮光汎采旄修風動芝蓋淑氣婉登辰天
行聳雲旆帳殿臨春籞帷宮繞芳薈漸席周羽觴分擘
引迴瀨穆穆元化升濟濟皇階泰將遇遺風軫遠侍瑤
臺會 又三日率爾成詩曰麗日屬元巳年芳具在斯
開花已匝樹流鶯復滿枝洛陽繁華子長安輕薄兒東
出千金堰西臨雁鷺陂游絲映空轉高楊拂地垂綠幘
文照曜紫燕光陸離清辰戲伊水薄暮宿蘭池象筵鳴
寶瑟金餅汎羽卮寧憶春蠶起日暮桑欲萎 梁劉孝

綽三日侍華光殿曲水宴詩曰熏被三陽暮濯禊元巳
初皇心曠樂飲帳殿臨春渠豫遊高夏諺凱樂盛周居
復以焚林日丰茸花樹舒羽觴環堦轉清瀾傍席疏妍
歌已嘹亮妙舞復紆餘九成變絲竹百戲起龍魚 又
三日侍安成王曲水宴詩曰匯澤良孔殷分區屏中縣
躡跨兼流采襟喉邇封甸吾王奄艷畢析圭承羽傳不
資魯俗移何得齊風變東山富遊士北土無遺彥一言
白璧輕片善黃金賤餘辰屬上巳清被追前諺持此陽
瀨一作遊復展城隅宴芳洲互千里遠近風光扇方歡
厚德重誰言薄遊倦 梁劉孝威侍宴樂遊林光殿曲

水詩曰蒸哉軒頊赫矣堯心女媧補石重華象金湯羅
禹扇羲瑟農琴皇乎備矣受命君臨試舟五反和樂九
成鈎楯祕戲協律新聲丹杯水激絳采葩榮天吳還往
海若逢迎 又三日侍皇太子宴詩曰二龍巡夏代八
駿馭周朝豫遊先帝則樂歎盛民謠皇儲遵洛禊濫觴
追灞橋掌被開神籙司馬動鑾鑣周旗交彩旆晉鼓雜
清簫旌宮臨廣照藻衛燦巖椒蘭尊浴曲折靈若沂迴
潮 梁庾肩吾三日侍蘭亭曲水宴詩曰策星依夜動
鑾駕忽朝遊旌門臨苑樹相風生鳳樓春生露泥泥天
覆雲油油桃花舒玉澗柳葉暗金溝楔川分曲洛帳殿

掩芳洲踊躍頰魚出一作醉參差絳棗浮百戲俱臨水千
鍾共逐流 北齊邢子才三日華林園公宴詩曰迴鑾
自樂野弭蓋屬瑤池五承接光景七友樹風儀芳春時
欲遽覽物惜將移新萍已冒沼餘花尚滿枝草滋徑蕪
沒林長山蔽虧方筵羅玉俎激水漾金卮歌聲斷且續
舞袖合還離 隋盧思道上巳禊飲詩曰山泉好風景
城市厭嚙塵聊持一尊酒共尋千里春餘光下幽桂夕
吹舞青蘋何言出關後重有入林人 隋江總三日侍
宴宣猷堂曲水詩曰上巳娛春禊芳辰喜月離北宮命
簫鼓南館列旌麾繡柱擎飛閣雕軒傍曲池醉魚沈遠

岫浮棗漾清漪落花懸度影飛絲不礙枝樹動丹樓出
山斜翠磴危禮周羽爵徧樂闕光陰移 唐沈佺期三
月三日梨園亭侍宴詩曰九門馳道出三巳禊堂開畫
鷁中川動青龍上苑來野花飄御座河柳拂天杯日晚
迎祥處笙鏞下帝臺 又上巳日被禊渭濱應制詩
曰寶馬香車清渭濱紅桃碧柳禊堂春皇情尚憶垂竿
佐天祚先承捧劔人 又和上巳連寒食有懷京洛詩
曰天津御柳碧遙遙軒騎相從半下朝行樂光輝寒食
借太平歌舞晚春饒紅妝樓下東郊道青草洲邊南渡
橋坐見司空埽西第看君侍從落花朝 萬齊融三日

綠潭篇即事詩曰春潭澗漾接隋宮宮闕連延潭水東
蘋苔嫩色含波綠桃李新花照底紅垂菱布藻如妝鏡
麗日晴天相照映素影沈沈對蝶飛金沙礫礫窺魚泳
佳人被禊賞韶年傾國傾城并可憐拾翠總來芳樹下
蹋青爭近綠潭邊公子王孫恣遊玩沙場水曲情無厭
禽浮似損羽觴杯鱗躍疑投水心劔金鞍玉勒騁輕肥
落絮紅塵擁路飛綠水殘霞催席散畫樓初月待人歸
李又上巳日被禊渭濱應制詩曰中園花柳暮春時
元已陪遊樂在茲此日欣逢臨渭賞昔年空道濟汾詞
劉憲上巳日被禊渭濱應制詩曰桃花欲落柳條長

沙頭水色足風光此時御蹕來遊處願奉年年被禊觴
徐彥伯上巳日被禊渭濱應制詩曰晴風麗日滿芳
洲柳色春筵被錦流皆言侍蹕璜溪燕暫似乘槎天漢
遊 張說上巳日被禊渭濱應制詩曰青郊上巳豔陽
年紫禁皇遊禊渭川幸得歡娛承湛露心同草樹樂春
天 常建三日尋李九莊詩曰雨歇楊林東渡頭永和
三日盪輕舟故人家在桃花岸直到門前溪水流 閻
朝隱三日曲水侍宴應制詩曰三月重三日千秋續萬
春聖澤如東海天文似北辰荷葉珠盤淨蓮花寶蓋新
陛下制萬國臣作水心人 王勃三日曲水宴得煙字

詩曰彭澤官初去河陽賦始傳田園歸舊國詩酒間長
筵列室窺丹洞分樓瞰紫煙縈迴互津渡出沒控郊鄜
鳳琴調上客龍轡儼羣仙松石偏宜古藤蘿不記年重
檐交密樹複磴擁危泉抗石踰南嶺乘沙眇北川傅巖
來築處磻谿入釣前日斜真趣遠幽思楚京蟬 陳子
昂于長史山池三日曲水宴詩曰摘蘭藉芳月被宴坐
瓊汀沈灑清流滿葳蕤白芷生金絃揮趙瑟玉柱弄秦
箏巖榭風光媚郊園春樹平煙花飛御道羅綺照昆明
日落紅塵合車馬亂縱橫 王維三月三日曲江侍宴
應制詩曰萬乘親齋祭千官喜豫遊奉迎從上苑被禊

向中流草樹連容衛山河對冕旒畫旗搖浦澈春服滿
汀洲仙樂龍媒下神臯鳳蹕留從今億萬歲天寶紹春
秋 又奉和聖製上巳於望春亭觀禊飲應制詩曰長
樂青門外宜春小苑東樓開萬戶上輦過百花中畫鷁
移仙仗金貂列上公清歌邀落日妙舞向春風渭水明
秦甸黃山入漢宮君王來被禊灞滻亦朝宗 又奉和
聖製與太子諸王三月三日龍池春禊應制詩曰故事
修春禊新宮展豫遊明君移鳳輦太子出龍樓賦掩陳
王作杯如洛水流金人來捧劔畫鷁出迴舟花樹浮宮
闕天池照冕旒宸章在雲表垂象滿皇州 又三月三

日勤政樓侍宴應制詩曰綵仗連宵合瓊樓拂曙通年
光三月裏宮殿百花中不數秦王日誰將洛水同酒筵
嫌落絮舞袖怯春風天保無爲德人歡不戰功仍臨九
衢宴更達四門聰 張九齡三月三日申王園亭宴集
詩曰稽亭追往事睢苑勝前聞飛閣凌芳樹華池落綵
雲藉草人留酌銜花鳥赴羣向來同賞處惟恨碧林曠
崔顥上巳詩曰巳日帝城春傾城被禊辰停車須傍
水奏樂要驚塵弱柳障行騎浮橋擁看人猶言日早晚
更向九泉津 孟浩然洛中寄王九迴詩曰卜洛成周
地浮杯上巳筵鬪雞寒食下走馬射堂前垂柳金堤合

平沙翠幙連不知王逸少何處會羣賢 崔國輔奉和
上已被襖應制詩曰元已秦中節吾君灞上游鳴鑿通
禁苑別館繞芳洲鸕鷀千官列魚龍百戲游桃花春欲
盡穀雨夜來收慶向堯尊祝歡從楚權謳逸詩何足對
睿作掩東周 宋王禹偁上巳詩曰遠道今逢被襖辰
雨餘風物一番新等閒臨水還思舊取次看花便當春
絮雪暖迷西苑路車雷晴起曲江塵臺英正約尋芳會
誰是山陰作序人 楊萬里上巳詩曰正是春光最盛
時桃花枝映李花枝秋千日莫人歸盡只有春風弄彩
旗

原賦後漢杜篤被襖賦曰王侯公主暨乎富商用事伊
雒帷幔元黃於是旨酒嘉穀方丈盈前浮棗絳水酌酒
醲川若乃窈窕淑女美勝豔姝戴翡翠珥明珠曳羅袿
立水涯微風掩蓋纖縠低徊蘭蘇肸蠁感動情魂若乃
隱逸未用鴻生俊儒冠高冕曳長裾坐沙渚談詩書詠
伊呂歌唐虞 晉成公綏洛襖賦曰考吉日簡良辰被
除解襖同會洛濱妖童媛女嬉遊河曲或振纖手或濯
素足臨清流坐沙場列壺尊飛羽觴 晉張協洛襖賦
曰夫何三春之令月嘉天氣之氤氳和風穆以布暢百
卉華而敷芬川流清泠以汪濊原隰蔥翠以龍鱗游魚

灑灑於溟波元鳥鼓翼於高雲美節慶之動物悅羣生
之樂欣故新服之既成將被除於水濱於是搢紳先生
嘯儔命友攜朋接黨冠童八九主希孔墨賓慕顏柳臨
涯詠吟濯足揮手乃至都人士女奕奕祁祁車駕岬岵
充溢中達粉葩翕習綠阿被溜振袖生風接衽成幃若
夫權威之家豪侈之族采騎齊鑣華輪方轂青蓋雲浮
參差相屬集乎長洲之浦曜乎洛川之曲遂乃停輿蕙
渚稅駕蘭田朱幔虹舒翠幕蜺連羅尊列爵周以長筵
於是布椒醕薦柔嘉祈休吉蠲百疴漱清源以滌穢兮
攬綠藻之纖柯浮素卵以蔽水灑元醪於中河 晉褚

爽禊賦曰伊暮春之令月將解禊於通川凌元巳之清
晨溯微風之冷然川迴瀾以澄映嶺插岬以霏煙輕霞
舒於翠崖白雲映乎青天 晉夏侯湛禊賦曰羨暮春
之嘉辰美靈氣之和柔結方軌於秦路敷令節而宣遊
爾乃擢翠旗垂繁纓微雲乘軒清風卷旌飛輪焱起良
馬雷驚車駕鱗萃男女霧會服煥羅縠翠翳連蓋縈香
丸於素襟結九齡乎時外祭爛虺韡焜華發越若乎朝
春挺葩夕霞抱月爾乃臨清流背綠柯雲幕高接丹組
四羅 晉阮瞻上巳會賦曰臨清川而嘉讌聊假日以
游娛陰朝雲而爲蓋託茂樹以爲廬好修林之菡鬱樂

草莽之扶疎列四筵而設席祈吉祥於斯塗酌羽觴而
交酬獻遐壽之無疆同歡情而悅豫欣斯樂之慨慷發
中懷而絃歌託情志於宮商 梁蕭子範家園三日賦
曰春亦暮止田家上巳時將礫於九門節方郊於七里
扇習習之和風照遲遲之華晷飛元翮之士燕奮丹霄
之山雉聊結新而濯故式東流之前軌居免上漏樹非
榛栗既無擇於爽塏曾不訪於凶吉右瞻則清谿千仞
北覩則龍盤秀出與歲月而荒蒞同林藪之蕪密懼茲
嘉月悅此時良庭散花棠傍插筠篁灑元醪於沼沚浮
絳棗於泱泱觀翠綸之出沒戲青舸之低昂 周庾信

三月三日華林園馬射賦曰于時元鳥司曆蒼龍馭行
羔獻冰開桐華萍合皇帝幸於華林之園千乘雷動萬
騎雲屯落花與芝蓋同飛楊柳共春旗一色乃命羣臣
陳大射之禮騶虞九節狸首七章於是選朱汗之馬校
黃金之埒紅陽飛鵲紫燕晨風唐成公之驢驪海西侯
之千里莫不飲羽銜竿吟後落雁鐘鼓振地埃塵漲天
綵則錦帳俱移錢則銅山合徙實天下之至樂景福之
歡欣者也歲次昭陽月在大梁其日上巳其時少陽春
史司職青祇効祥徵萬騎於平樂開千門於建章皇帝
翊四校於仙園迴六龍於天苑華蓋平飛風鳥細轉帷

宮宿設帳殿開筵傍臨細柳斜界宜年河湑薙草渭口
澆泉塌雲五色的暈重圓陽管既調春絃實撫玉律調
鐘金鐃節鼓於是咀銜拉鐵逐日追風並試長秋之埒
俱下蘭池之宮鳴鞭則汗赭入埒則塵紅變三驅而畫
鹿登百尺而懸熊禮正六耦詩歌九節弓如明月對棚
馬似浮雲向埒雁失羣而行斷猿求林而路絕乃有六
郡雄才五陵高選新迴馬邑之兵始罷龍城之戰尚帶
流星猶乘奔電始聽鼓而唱籌即移竿而標箭熊耳刻
杯浮雲畫壘水衡之錢山積織室之錦霞開司筵賞至
酒正杯來既而日下澤宮筵闌相圍悵徒蹕之流歡眷

迴鑾之餘武

原序晉王羲之三日蘭亭詩序曰永和九年歲在癸丑
暮春之初會於會稽山陰之蘭亭修禊事也羣賢畢至
少長咸集此地有崇山峻嶺茂林修竹又有清流激湍
映帶左右引以為流觴曲水列坐其次雖無絲竹管絃
之盛一觴一詠亦足以暢敘幽情是日也天朗氣清惠
風和暢仰觀宇宙之大俯察品類之盛所以遊目騁懷
足以極視聽之娛信可樂也 晉孫綽三日蘭亭詩序
曰古人以水喻性有旨哉斯談非以停之則清混之則
濁耶情因所集而遷移物觸所遇而興感故振轡於朝

市則充誦之心生閒步於林野則遼落之志興仰瞻羲
唐邈已遠矣近詠臺尚顧深增懷爲復於曖昧之中思
縈拂之道屢借山水以化其鬱結永一日之足當百年
之溢以暮春之始楔于南澗之濱高嶺千尋長湖萬頃
隆屈澄汪之勢可爲壯矣乃席芳草鏡清流覽卉木觀
魚鳥具物同榮資生成暢於是和以醇醪齊以達觀泐
然兀矣焉復覺鵬鷃之二物哉 宋顏延之三日曲水
詩序曰夫方策旣載皇王之跡已殊鐘石畢陳舞詠之
情不一雖淵流遂往詳略異聞然其宅天衷立民極莫
不崇尚其道神明其位拓世貽統固萬葉而爲量者也

有宋函夏帝圖弘遠高祖以聖武定鼎規同造物皇上
以睿文承曆景屬宸居隆周之卜旣永宗漢之兆在焉
正體毓德於少陽上宰宣哲於元輔晷緯昭應山瀆効
靈五方雜遝四隩來暨蘋莖素毳并柯共穗之瑞史不
絕書棧山航海逾沙軼漠之貢府無虛月日躔胃維月
軌青陸皇祇發生之始后王布和之辰思對上靈之心
以惠庶萌之願加以二王于邁出餞戒告有詔掌故爰
命司曆獻洛飲之禮具上巳之儀南除輦道北清禁林
左關巖墜右梁潮源略亭臯跨芝漣苑太液懷曾山松
石峻境蔥翠陰煙游泳之所攢萃翔驟之所往還閱水

環階引池分席春官聯事蒼靈奉塗然後升祕駕肩緹
騎撫玉鑾發流吹以降于行所禮也龍文飾轡青翰侍
御華喬殷至觀聽驚集揚袂風山舉袖陰澤靚妝藻野
衽服縟川故以隱賑外區煥衍都內者矣上膺萬壽下
提百福布筵稟和闔堂依德情盤景遽歡洽日斜悵釣
臺之未臨慨鄴宮之不懸方且排鳳闕以高遊開爵園
而廣宴並命在位展詩發志則夫誦美有章陳信無媿
者歟 齊王融三日曲水詩序曰臣聞出豫爲象鈞天
之樂張焉時乘旣位御氣之駕翔焉是以得一奉宸逍
遙襄城之域體元則大悵望姑射之阿然宵眇寂寥其

獨適者也至如夏后兩龍載驅璿臺之上穆王八駿如
舞瑤水之陰亦有饗云固不與萬民共也我大齊之握
機創曆誕命建家接禮貳宮考庸太室昭華之珍旣從
延喜之玉攸歸革宋受天保生萬國度邑靜鹿丘之歎
遷鼎息大坳之慙駿發開其遠祥定爾固其洪業皇帝
體膺上聖運鍾下武冠五行之秀氣邁三代之英風昭
章雲漢暉麗日月猶且未明廢寢晁晷忘餐懼負重於
春冰懷御奔於秋駕儲后睿哲在躬妙善居質內積和
順外發英華斧藻至德琢磨令範若夫族茂麟趾宗固
磐石跨躡昌姬超軼炎漢元宰比肩於尚父中鉉繼踵

乎周南分陝留勿翦之歡來仕允克施之譽本枝之盛
如此稽古之政如彼故免羣生於湯火納百姓於休和
引鏡皆明目臨池無洗耳沈冥之怨旣鼓邁軸之疾已
消讒莠蔑聞攘爭掩息稀鳴樽於砥路鞠茂草於圓扉
侮食來王左言入侍一尉候於西東合車書於南北偃
革辭軒銷金罷刃天瑞降地符升澤馬來器車出江海
呈象龜龍載文功旣成矣世旣貞矣信可以優游暇豫
作樂崇德者歟於時青鳥司開條風發歲粵斯上巳惟
暮之春禊飲之日在茲風舞之情咸蕩載懷平圃乃瞻
芳林芳林園者福地輿區之湊丹陵若水之舊殷殷均

乎姚澤廕廕尚於周原飛觀神行虛檐雲構離房乍設
層樓間起負朝陽而抗殿跨靈沼而浮榮鏡文虹於綺
疏浸蘭泉於玉砌幽幽叢薄秩秩斯于新萍汎沚華桐
發岫雜天彩於柔萋亂嬰聲於錦羽禁軒承幸清宮俟
宴緹帷宿置帟幕宵懸旣而滅宿澄霞登光辨色徐鑿
驚節鳴鐘暢音七萃連鑣九旂齊軌爾乃迴輿駐軫岳
鎮川停睟容有穆賓儀式序授几肆筵因流波而成次
蕙穀芳醴任激水而推移葆佾陳階金匏在席戚奏翹
舞籥動邠詩召鳴鳥于嶠山追伶倫於嶰谷清歌有闋
羽觴無算上陳景福之賜下獻南山之壽信凱宴於在

藻知和樂於食苹 梁簡文帝三日曲水詩序曰竊以周城洛邑自流水以禊除晉集華林同文軌而高宴莫不禮具義舉沓矩重規昭動神明雍熙鐘石者也皇太子生知上德英明在躬智湛靈珠辨均河注騰茂實於三善振嘉聲於八區是節也上巳屬辰餘萌達壤倉庫應律女夷司候爾乃分階樹羽疏泉汎爵蘭觴沿沂蕙殺來往賓儀式序盛德有容吹發孫枝聲流解谷舞豔七盤歌新六變遊雲駐綵仙鶴來儀都人野老雲集霧會結軫方衢飛軒照日 **增**唐宋之間三月三日奉使涼宮雨中禊飲序曰三月上巳有祓除禊飲者感俗久

矣摯虞對而不經東晉言而有禮漢庭故事衣冠就元灞之橋晉國遺風輜輶耀翠媯之浦是日也雜英初發羣物半榮春透迤而上山雪欽峯而藏谷高人一坐杞梓交陰作者肆筵芝蘭同氣遞襲歌詠不登絃管嵇叔夜之鳴琴偏依綠水郭子期之春酒本出青山論史可聽談元愈默不覺齊萬品隘九圍愛流波惜遲景顧盼相謂雖非巢許之間左右同聲蓋各巖泉之助 **增**表唐宋璟三月三日為百官謝賜宴表曰伏以漢崇元巳齊曰上游咸聞執蘭以盛禊飲洛水之會嚙呼不足紀也永和之遊僻陋不足追也臣等生逢多幸遇會

歲時部

增補頁內卷十八

三月三日

聖明賜與榮渥逾溢涯分爰以令節錫宴公亭翠帟文茵俱來天上嘉穀清醑亦自大官欣歡之聲浹於億兆銜感之至形於頌歌而天心需然宸章煥發曲蒙賜示捧讀兢懼涵泳五音光輝二雅流於篋磬永播無窮豈臣庸愚詎能思度今狂虜衰息年穀屢登俗被湛恩人歸壽域讌遊高會適助時康況上宰冢卿修簪長劔前後羅列小大相從所以序聖朝之多士為百代之風流臣等叨榮無任懇迫報効何日進退知慚

四月八日

浴釋迦荆楚歲時記云荆楚以四月八日諸寺各設會香湯浴佛共作龍華會以為彌勒下生之

徵迎彌勒以為彌勒下生之徵
右脇生佛以四月八日右脇而生
半夜往年十九此日半夜逾城往雪山入道云云
六年成道太子在雪山六年思道不食至四月八日
九子祈嗣荆楚歲時記曰四月八日長沙寺閣下九子祈嗣子母神是日市肆之人無子者供養薄餅

溺金像世說孫皓初治國於地中得金像如小兒高皓便著廁前令持籌四
坐木榻楊茂
八字之佛爰來荆楚人相承此日浴佛以八字之佛于

五香之水乃浴高僧傳摩
靈育生而孕先得夢高僧傳曰釋元高小
靈育高僧傳曰釋元高小

悲不自勝宋書劉宣字萬壽八歲母死四月八日見眾僧浴佛乃下頭上金鏡為母灌佛因泣下悲

